

四庫全書

史部

欽定四庫全書

史部

御批資治通鑑卷四十三上

詳校官修撰_臣錢榮

編修_臣程嘉謨覆勘

總校官降調編修_臣倉聖脉

校對官中書_臣宋枋遠

謄錄監生_臣許思光

欽定四庫全書

御批資治通鑑綱目卷四十三上

起甲寅唐玄宗開元二年
盡丁亥唐玄宗天寶六載 凡三十四年

甲寅 二年春正月定内外官出入恒式

制選京官有才識者除都督刺史有政
迹者除京官使出入常均永為恒式

以盧懷慎檢校黃門監○置左右教坊

舊制雅俗之樂皆隸太常上以太常禮樂之司不應
典倡優雜伎乃更置左右教坊以教俗樂又選樂工
宮女數百人自教之謂之皇帝梨園弟子禮部侍郎
張廷珪酸棗尉袁楚客皆上疏以上春秋鼎盛宜崇

經術遇端士尚樸素深以悅鄭聲好遊獵為戒上雖不能用欲開言路咸嘉賞之胡氏曰玄宗不以太常典倡優是也乃更置坊院咸選工女而自教之則是以天子而典倡優矣而可乎夫以顏子亞聖之資夫子尚以放鄭聲為戒况玄宗乎大臣之責務引其君以當道以格其非心而防其微漸者也姚崇于是昧其所集覽梨園弟子隋有法曲其聲清近雅明皇愛職矣之選坐部伎子弟三百教於梨園號皇帝

梨園弟子宮女數百亦為梨園弟子居宜春北院尚樸素敦尚質樸見素守貞不事文飾也老子見素抱樸少私寡欲莊子同質實太常官名注見漢明帝永平二年倡優女樂也注見

隋文帝開皇二十年梨園有二一在西安府雲陽廢縣漢武帝置一在京兆府通化門外唐文宗嘗命太常卿王涯取開元雅樂按之既成獻之于此酸棗縣名注見周慎觀王四年鄭聲注見漢元帝永光元年

鄭衛之樂

書法

直書其事其為初政之累多矣。○教坊之名始此。

發明

玄宗即位至是再葺宗廟之事學校之典未聞有所舉行而左右教坊之置綱目首書于

冊則帝之溺意鄭聲固已不待晚年而後知其有霓裳羽舞之失矣惜哉

沙汰僧尼

中宗以來貴戚爭營寺度僧富戶彊丁削髮避役姚崇上言佛圖澄不能存趙鳩摩羅什不能存秦齊襄梁武未免禍殃何用妄度姦人使壞正法上從之沙汰萬二千餘人禁創寺鑄佛寫經百官之家毋與僧尼道士往還胡氏曰人之與人類也無不得相見之理惟罪人則人之所棄而夷狄者中國之所絕也今

不使百官與僧尼道士往還。是夷狄待之罪人畜之。非平民也。然則曷若使之衣巾冠帶而齒于平民乎。

集覽

齒於平民。齒。謂舉列如齒也。質實。佛圖澄晉末得。以年齒序列于平民也。僧名趙王石。

勒甚敬之。鳩摩羅什。晉末僧名。秦王姚興尤重之。沙汰。注見宋孝武帝大明二年。

書法

書沙汰。何點異教也。魏書。罷沙門五十以下者。吳宋。戊寅年。唐初。雖一書沙汰僧道。高祖

武德九年。不旋踵而書罷焉。于是復書沙汰僧尼。是年。予知節也。終綱目異端書沙汰三。

以薛訥同紫微黃門三品將兵擊契丹

初營州都督治柳城。以鎮撫奚契丹。武后之世。都督趙文勣失政。奚契丹攻陷之。或言靺鞨奚靺靨以唐不建營州。無所依投。故且附突厥并州。長史薛訥奏請復置營州。上亦欲討契丹。姚崇等諫不聽。遂以訥同。

三品將兵擊契丹群臣乃不敢言范氏曰姚崇等以
其君討契丹為是邪當成之為非邪當爭之不可微
諫而止也明皇既不聽諫又益甚之遂相薛訥而使
之將兵崇等乃不敢言則是人君可以威脇羣臣而
遂其非也然則君有大過將何以止之夫人臣諫而
不聽則當去位苟不能強諫而視其君之過舉至于
天下咸怨則曰非我不諫君不能用我也始則擇利
以處其身終則引謗以歸其君此不忠之大者也使
君驕其臣而輕于用武天集覽柳城注見漢獻帝建
下不勝其弊崇之罪也安十二年文翺名也
翺呼質實營州注見漢獻帝建安十二年奚契丹東
外反胡別種注見睿宗太極元年靺鞨北狄國
名注見隋文帝開皇十八年奚靺鞨胡種名注同上
開皇元年突厥北狄國名注見梁武帝大同十一年
并州注見齊明
帝建武三年

書法

書以相國將兵於樊噲見之矣此書同紫微黃門三品何重其任也重其任則曷為書擊

讖也帝之好邊功拒人言莫此為甚故書擊賊之而卒以敗績削其官亦何益矣

發明

自文武既分而後將相之任各異其選其未已非一日明皇欲擊契丹慮羣臣進諫乃相

薛訥而使之將兵名之不正莫甚于此或曰唐中世以後率以平章事為節度使亦宰相之選也夫以平章繫銜或大臣出鎮藩方或方鎮跋扈不臣不得已而加之君子猶深為之惜況承平無事乃以紫微黃門同三品將兵擊契丹果何謂哉據事直書夫自見矣

三月朔太史奏日食不應質實

日食注見新莽天鳳元年

太史奏太陽應虧不虧姚崇表賀請書史冊從之

書法

書譏諛也按九年太史奏麟德歷浸疎日食屢不効然則日食之不應歷官之失也而遽

以稱賀故

書譏之綱目書日食三百六十七詳月安王二十年及漢惠帝七年書不應者一而已

發明

日食不應僅可免咎而已表請賀之姚崇之諛也特書於此蓋譏之耳

突厥同俄圍北庭都護郭虔瓘擊斬之

突厥默啜遣其子同俄圍北庭虔瓘擊斬之突厥質請悉軍中資糧以贖同俄間其已死慟哭而去

實

北庭都護注見齊明帝建武四年

復置十道按察使集覽

十道一曰關內二曰河南三曰河東四曰河北五曰山南六曰

隴右七曰淮南八曰江南九曰劍南十曰嶺南

或上言按察使徒煩擾公私請精簡刺史縣令停按察使姚崇以為今止擇十使猶患未盡得人況天下三百餘州縣多數倍安得皆稱其職乎乃止范氏曰姚崇之辯雖能折議者之言然亦未為得也夫天子擇一相而任之一相擇十使而使之十使者擇刺史縣令而置之賢者舉之不肖者去之則君不勞而天下治矣故任相者天子之事也選使者相之職也察吏者使之責也吏非其人則是相之不才也退之而已矣崇不論此乃以為刺史縣令不可徧擇豈宰相之體乎

以徐倫為恭陵令

上思徐有功用法平以其子倫為恭陵令審孝謹之子光祿卿希臧等請以已官爵讓倫以報其德由是倫累遷中集覽倫龍春反希臧名也質實徐倫東海王府司馬集覽域音臧申王名成義人恭陵縣

名未詳沿革申州名注見
梁武帝大清二年義陽

貶劉幽求為睦州刺史鍾紹京為果州刺史

或告太子少保劉幽求詹事鍾紹京有怨望語按問
不服姚崇盧懷慎等言於上曰幽求等皆功臣乍就
閒職不無沮喪若令下獄慮驚遠聽乃皆貶之
時紫微侍郎王琚行還未還坐黨貶澤州刺史
睦州注見憲宗元和二年一統志云果州禹貢梁州
之域春秋戰國時為巴子國地秦屬巴郡漢為充國
安漢等縣地仍屬巴郡漢末劉璋分墊江以上仍為
巴郡治安漢晉屬巴西郡劉宋析置宕渠郡隋省宕
渠入巴西唐初地屬隆州尋析置果州治南充天寶
初改南充郡乾元初復為果州大歷中又改充州尋
復舊五代蜀置永寧軍節度宋初以州隸梓州路寶
慶間陞順慶府元置東川府又改為順慶路至本朝

改順慶府隸四川道澤州注
見梁武帝大同六年建州

黜涪州刺史周利貞等十三人質實

涪州注見晉武帝太安二年

以利貞等天后時酷吏比周興等
情狀差輕放歸草澤終身勿齒
地終身勿齒記王制屏之遠方終身不齒又曰出鄉
不與士齒注齒猶錄也不齒賤也於其鄉中則齒親
也親

三月貶韋安石韋嗣立趙彥昭李嶠為諸州別駕

御史中丞姜晦以宗楚客等改中宗遺詔當時宰相
韋安石韋嗣立趙彥昭李嶠不能匡正令監察御史
郭震奏彈貶之晦又奏安石檢校定陵
盜隱官物下州徵贓安石憤恚而卒
集覽定陵中

名質實

姜晦泰州上邳人暮之弟
定陵注見中宗景龍四年

毀天樞

毀武后所作天樞鎔其銅鐵歷月不盡先是
韋后亦於天街作石臺頌德至是并毀之

夏五月罷員外檢校官

以歲饑悉罷員外試檢校官自今非戰功及別救母
得注擬時薛王業之舅王仙童侵暴百姓御史彈奏
業為之請救覆按之姚崇盧懷慎奏御史言是上從
之中王成義奏以府錄事為參軍崇等不可事亦寢
由是貴戚束手請謁不行

發明

興治之世其精明氣象必有可觀玄宗初政
如相姚崇定官制汰僧尼廢酷吏皆有足取

今又罷員外檢校官大書于冊開元之治自此日
並進矣使其有始有終常如一日豈不為有唐盛
德之
主哉

魏知古罷

知古本起小吏姚崇薦之以至為相崇意輕之請知
古知東都選事遣吏部尚書宋璟於門下過官知古
銜之崇二子分司東都有所請託知古歸悉以聞他
日上問崇知子何官才性何如崇揣知古意對曰臣
三子兩在東都為人多欲而不謹是必以事干知古
臣未及問之月上問安從知之對曰知古微時臣常
卯而翼之臣子愚以為知古容其為非故敢干之月
上于是以崇為無私而薄知古欲斥之崇固請曰臣
子無狀陛下赦之已幸苟遂知古累聖政
笑上久乃許之知古竟罷為工部尚書
集覽門下
過官

唐制凡選事侍郎以下三注三唱
仍過門下省審之故謂之過官

唱質實

東都注見秦莊
襄王元年三川

六月以宋王成器等為諸州刺史

宋王成器申王成義上兄也岐王範薛王業上弟也
幽王守禮從兄也上素友愛近世帝王莫能及初即
位為長枕大被與兄弟同寢聽朝罷多從諸王遊在
禁中拜跪如家人禮飲食起居相與同之業嘗疾上
親為煮藥火熬上鬚左右驚救之上曰但使飲此而
愈鬚何足惜成器尤恭慎未嘗及時政妄結交上愈
信重之故讒間無自而入然專以聲色飲博遊獵畜
養娛樂之不及以政羣臣以成器等地逼請循故事
出刺外州乃以成器領岐州成義領幽州守禮領號
州範領濟州業領同州到官但領大綱州務皆委上
佐是後諸王領州者並準此范氏曰文王孝于王季
故友于兄弟睦于太似故慈于子孫以及于家邦至

於鳥獸草木無不被澤者惟其心而已矣先王未有
孝而不友友而不慈者也至於後世帝王或能於此
則不能於彼何哉不能舉斯心加諸彼而已成器辭
位以授明皇故明皇篤于兄弟之愛蓋成器之行有
以養其友愛之心也苟能充是心則仁不可勝用矣
然至於為人父則以讒殺其子為人夫則以孽黜其
妻為人君則以非罪殄滅其臣下是皆不能充其
類也苟不能充其類則其為善豈不出于利心哉

集

覽

地通地位逼迫也蓋宋王成器乃嫡長當立故曰
地通太姒周文王之正妃莘國之長女也妣姓音

詳里反充其類孟子滕文篇是尚為能充其類也乎
又萬章篇充類至義之盡也李氏解云夫所謂充類
者謂自其小者充之以至於大自
至輕者充之以至于重之謂也

質實

禁中注見宋
孝武帝大明

六年岐州注見周顯王八年幽州注見漢桓帝延熹
五年號州注見宋文帝元嘉十二年莘濟州注見晉

崇尚節儉
美德第當
平易不可
太甚如唐
以珠玉錦
之殿前矣
復遣使求
奇寶何前
判然不侔
始者必鮮
情大抵然

帝奕太和元年高平同
州注見開元十一年

秋七月焚珠玉錦繡於殿前

上以風俗侈靡制乘輿服御金銀器玩令有司消毀
以供軍國之用其珠玉錦繡焚于殿前后妃以下皆
毋得服敕百官所服帶及酒器銜鐙三品以上聽飾
以玉四品以金五品以銀餘皆禁之婦人從其夫子
自今天下更毋得采珠玉織錦繡等物罷兩京織錦
坊司馬公曰明皇之始欲為治能自刻厲節儉如此
晚節猶以奢敗甚哉奢靡之易以溺人也詩曰靡不
有初鮮克有終可不慎哉。其後有胡人上言海南
多珠翠奇寶因言市舶之利又欲往獅子國求靈藥
醫嫗上命監察御史楊範臣往求之範臣奏曰陛下
前年焚珠玉錦繡示不復用今所求者何以異於所
焚者乎彼市舶與商賈爭利殆非王者之體胡藥之

性中國多不能知況于胡樞豈宜寘之宮掖夫御史
天子耳目之官必有軍國大事臣雖觸冒災瘴死不
敢辭此特胡人眩惑求媚無益

集覽

銜銜銜銜馬勒也

聖德上遠引咎慰喻而罷之

行馬者也銜丁鄧反銜銜也市舶蠻夷汎海舟
曰船舶音白於海濱置吏以稅海商名曰市舶

質實

靡不有初鮮克有終詩大雅蕩詩之詞獅子
國在西方之域其地能馴養後狻因以名國

書法

也書予之也晉武焚雉頭裘於前殿不書不誠
也明皇初政勵精誠有崇儉之意故綱目特

書之綱目書焚錦綺三乙未年陳焚文錦隋文帝
間皇十五年焚綾文布是年皆予之也舍是無書

者矣

薛訥擊契丹敗績詔削其官爵

訥與監門將軍杜賓客定州刺史崔宣道等將兵六萬擊契丹賓客以為士卒盛夏負甲齎糧深入寇境難以成功訥曰盛夏草肥羔犢孳息因糧於敵正得天時一舉滅虜不可失也行至灤水山峽中契丹伏兵遮其前後擊之唐兵大敗死者什八九訥與數十騎突圍得免宣道將後軍亦走訥歸罪於宣道制斬之免訥死質實定州注見周威烈王二十三年中山削其官爵灤水莫詳處所唯有灤河在萬全都司雲州堡北六十里發源炭山水井亂泉合為此河北流經古桓州南下流入口北開平界又東南流經永平府遷安縣界至盧龍縣合漆河又南至樂亭縣入于海未知是否姑錄此以備攷焉

襄王重茂薨於房州諡曰殤皇帝考異

提要薨作卒按凡例王侯死皆

曰卒當考證

薨當作卒諡當分註。謹按韋氏弒中宗而立重茂韋氏伏誅睿宗即位廢重茂復

為王凡例曰正統之君廢為王公而死者書卒而註其諡重茂韋氏所立故不書即位者非正統之君也然亦廢為王而死故比例而書質實襄州名注見漢獻帝建

安十二年襄陽房州注

同建安二
十四年房陵

書法

書薨何諡為帝者也綱目自分王外其書薨非不成君廢帝廢后則諡為帝為后者也不

然則帝母也有功公主也舍是無薨道矣唐會昌以後方鎮大臣有書薨者誤也以皇帝贈諡於是

再見

作興慶宮考異

作上漏
圖子

宋王成器等請獻興慶坊宅為離宮許之仍賜成器等宅環于宮側又于宮西南置樓西曰花萼相輝南

曰勤政
務本
集覽
花萼相輝義取詩棠棣之華鄂
不韡韡燕兄弟之意以名樓
質實
一統

志云興慶宮在西安府治東南五里唐南內也玄宗
所建內有文泰南薰大同等殿離宮注見周報王四
十五年花萼相輝樓在西安府治東南唐興慶宮西
南隅勤政樓西玄宗與寧薛諸王篤友愛常登此樓
召諸王同榻飲宴勤政務本樓在西安府治東南唐
興慶宮西南隅玄宗建每歲千秋節酺飲於樓前

八月出宮人

初民間訛言上采女子以充掖庭上聞之令有司具
牛車於崇明門選後宮無用者載還其家訛言乃息
質實
掖庭注見漢光
武建武三年

發明

蘇軾有言操綱罟而赴江湖語人曰我非漁
也如捐綱罟而人自信明皇以盛年即位

德信未孚故民間有采擇女子之言是未可以家
至戶曉也一出宮人而訛言自息所謂止謗莫如

自脩明皇蓋得之
矣故書以美之

吐蕃入寇以薛訥為隴右防禦使擊之

吐蕃衆十萬寇臨洮至渭源掠牧馬命薛訥郭知運
王峻帥兵擊之初鄯州都督楊矩以九曲之地與吐

蕃其地肥饒吐蕃就之畜**集覽**王峻反**質實**吐蕃西
牧因以入寇矩悔懼自殺

注見太宗貞觀八年臨洮郡名注見高祖武德六年
洮州渭源縣名注見晉帝奕太和五年九曲地名注

見天寶
十二載

以武后鼎銘頒告中外

太子賓客薛諫光以武后鼎銘有云上天降鑒方建
隆基為上受命之符獻之姚崇表賀請宣示史官頒
告中外司馬公曰日食不驗太史之過也而君臣相
賀是誣天也采偶然之文以為符命小臣之誦也而
宰相實之是侮其君也以
姚崇之賢猶不免是惜哉

書法

書譏諛也武氏書頒大雲
經玄宗書頒鼎銘皆譏也

敕諸州脩常平倉法

敕以歲稔令諸州脩常平倉法江嶺
淮浙劔南下濕不堪貯積不用此例

質實

劍南道名
注見晉武

帝泰始八
年益州

冬十月薛訥與吐蕃戰於武街大破之

吐蕃復寇渭源薛訥王峻帥兵禦之吐蕃十萬屯大
來谷峻選勇士七百衣胡服夜襲之多置鼓角于其
後前軍遇敵大呼後人鳴鼓角應之虜以為大軍至
驚懼自相殺傷死者萬計虜大潰追至洮水又敗之
前後殺獲數萬人豐安軍使王海賓戰死以其子忠
嗣為尚輦奉御養之宮中命左驍衛郎將尉遲瓌使
吐蕃宣慰金城公主吐蕃亦遣其大臣質實武街郡
請和用敵國禮上不許自是連歲犯邊質實名注見
漢後主炎興元年洮水在臨洮府城西南吐谷渾界
一名恒水源出西傾山流經府界金城公主金城郡
名注見太宗貞觀十八年公主注
見天寶十二載王海賓鄭縣人

以郭知運為隴右節度大使

領鄯泰河渭蘭臨武
洮岷廓疊宕十二州
質實鄯泰河渭蘭臨武洮岷廓
疊宕十二州鄯注見漢宣

帝元康四年愼中秦注見漢光武建武元年天水河
注見晉穆帝永和元年渭注見漢後主建興六年南
安蘭注見太宗貞觀十八年臨注見秦王政三年隴
西武注見漢武帝元鼎六年武都洮注見高祖武德
六年岷注見秦始皇三十三年臨洮廓注見晉懷帝
永嘉六年豐注見太宗貞觀二十三年宕注見宋文
帝元嘉
元年

十二月立皇子嗣真為鄮王嗣謙為皇太子考異

立皇子嗣

真為鄮王嗣謙為皇太子立當作
以子上皇字義嗣謙上當有立字

集覽

鄮王鄮封邑名
本漢琅邪鄮縣

正義曰古鄮子
國在東海郡

質實

鄮州名注見漢
光武建武四年

上長子嗣真母曰劉華妃次子嗣謙母曰趙麗妃麗
妃以倡進有寵故立之胡氏曰母正則子重母賢則

子良以天子而納倡優又立其子為儲貳其輕宗廟慢神器甚矣嗣諫之死蓋不待武妃林甫之謀而輕賤不正其勢有所必至矣

書法

景雲之篇先書命太子監國重國本也此立皇太子也則曷為先書鄮王譏也玄宗不勝

其私舍長立少先書嗣真為鄮王所以著太子之為少子也

置幽州節度經畧大使

領幽易平媯檀燕六州

質實

幽易平媯檀燕六州幽注見高祖武德四年易注見周世宗顯德六

年平注見秦王政三年北平媯注見晉懷帝永嘉五年檀注見中宗嗣聖十五年燕注見高祖武德九年

書法

景雲先書以薛訥為幽州經畧節度大使矣此始書置何不常置也至是始有常除故特

書置且以
志禍始也

乙卯 三年春正月以盧懷慎為黃門監

懷慎清謹儉素不營資產俸賜隨散親舊妻子不免饑寒所居不蔽風雨姚崇謁告十餘日政事委積懷慎不能決惶恐入謝上曰朕以天下事委姚崇以卿坐鎮雅俗耳崇既出須臾裁決俱盡頗有得色顧謂紫微舍人齊澣曰我為相可比何人澣未對崇曰何如管晏澣曰管晏之法雖不能施於後猶能沒身公所為法隨復更之似不及也崇曰然則竟何如澣曰可謂救時之相耳崇喜投筆曰救時之相豈易得乎懷慎自以其才不及崇每事推之時人謂之伴食宰相司馬公曰夫不肖用事為其僚者愛身保祿而從之不顧國家之安危是誠罪人也賢智用事為其僚者愚惑以亂其治專固以分其權媚嫉以毀其功悞

疾以竊其名是亦罪人也崇唐之賢相懷慎與之同心以濟太平之政夫何罪哉秦誓所謂是能容之者懷慎之

集覽

謂矣 注見宋主昱元徽二年得色謂容色自

矜為得志也得或作德顏師古曰謂容色自矜為思德也媚嫉與冒疾通書秦誓人之有技冒疾以惡之注見人之有技藝則蔽冒疾害以憎惡之是能容之書秦誓人之有技若已有之人之彥聖其心好之不帝如自其口出是能容之注皆

正誤

頗有得色今按謂有自得之色

質實

齊澣定州義豐人管晏謂管仲晏嬰也管仲注見宋武帝大明二年晏嬰萊之夷維人相齊景

公食不重肉妾不衣帛一狐裘三十年
盡忠補過名顯諸侯秦誓周書為名

貶御史大夫宋璟為睦州刺史

坐監前堂杖人杖鉞也

發明

史大夫風憲之長在漢為三公之官而使

取書而書其罪以議之也

夏四月以薛訥為涼州大總管郭虔瓘為朔川大總管

初突厥可汗默啜來老焉處其葛邏祿胡祿屋諸部

涼州郭虔瓘居朔川郭虔瓘以河內地處之還薛訥居

以為部春之號或曰質實朔川未詳虔所或云即朔

州注見漢光武建武十年或藏

山東大蝗

山東蝗民不敢殺拜祭之姚崇遣御史督州縣捕而
瘞之議者以為蝗多除不可盡崇曰河南北之人流
亡殆盡豈可生視借使除之不盡猶勝秦以成災上
乃從之盧懷慎以為殺蝗太多恐傷和氣崇曰昔楚
莊吞蛇而愈疾孫叔殺蛇而致禍奈何不忍於
蝗而忍人之饑死子若使殺蝗有禍崇請當之
楚莊吞蛇而愈疾曹詡新書楚莊王食寒菹而得蛭
左右見而監食不誅則廢法遂吞之令尹賀曰王
有仁惠天所輔也是夜蛭而蛭出久疾得愈蛭音質
水蟲也張華博物志蛭三斷而成三物有石蛭草蛭
泥蛭一名馬蛭源叔殺蛇而致禍孫叔殺蛇為兒時見
兩蛇蛇殺而埋之歸而泣其母問故叔殺曰問之見
兩蛇蛇殺而埋之歸而泣其母問故叔殺曰問之見
則有瘡瘡者死恐他人又見已殺而埋之矣母曰吾質

集覽

實

山東道名注見宋文
帝元嘉二十五年

秋七月朔日食質實

日食注見新
莽天鳳元年

發明

日食不應而宰相表賀則日食而應當表
弔可也此而觀之姚崇誦君之罪若笑

九月置侍讀官

上謂宰相曰朕每讀書有疑無從問可選儒士入
內侍讀盧懷慎薦太常卿馬懷素以為左散騎常侍
與右散騎常侍褚無量更日侍讀聽肩輿乘馬於宮
中以無量羸老為逆腰輿使內侍昇之親送迎之侍
以師傅實實褚無量
之禮監官人

書法

侍讀之名
始見于此

發明

自帝學不傳而後君德不古玄宗請書無從
賢問始置侍讀之官而又以羸老充選書之

于冊雖曰幸之
蓋亦惜之也

遺薛訥討突厥考證

討當
作伐

書法

奚契丹吐蕃皆書擊此則曷為以討書突厥
請和既稱臣矣於是復圖北庭是叛也故特

書
討

○郴州刺史劉幽求卒

幽求自杭徙

質實

杭州名注見憲宗元和二年
郴州名注見楚義帝元年

書法

刺史多矣卒幽求何志帝之薄也其薄奈何
方天星散落幽求竇贇大計廢宗疑立太子

幽求力言平王太平逆黨又幽求首發其姦有功
如此而帝待之薄則帝之私也蓋韋氏既誅帝有
自取之志而幽求則曰衆約今夕共立相王何不
早定比曉帝乃僅迎相王入輔少帝而已既而幽
求復白請相王早即位以鎮天下若此皆非帝意
此帝所以終外之也書曰柳州刺史劉幽求卒綱
目之意
微矣

發明

韋氏之亂幽求首建大策太平之逆又發其
姦立宗雖處以相職未幾即遭貶黜畧無少

恕之意何哉當臨淄討亂之時意蓋在于自取幽
求既不論此而又力請相王早正大位立宗是時
蓋已深憾于中是以輕於黜逐畧不念其有功當
時之人既不能知帝意所在而後來贊唐史者止
謂恨其待之太薄而已綱目推求其實故於幽求
之卒特揭柳州刺史書之以見斥逐遠外之意不

然當時刺史徧天下何獨於幽求而卒之哉

以郭虔瓘為安西四鎮經畧大使

以郭虔瓘為安西大都護經畧四鎮虔瓘請募關中兵萬人詣安西皆給遞馱熟食許之將作大監韋湊上疏曰今西域服從雖或時小有盜竊舊鎮兵足以制之關中常宜充實以彊幹弱枝頃年以來征行畧盡豈宜更募驍勇遠資荒服又萬人征行六千餘里咸給遞馱熟食道次州縣將何以供秦隴之西戶口漸少涼州已往沙磧悠然儻稽天誅所損甚大縱令必克其復幾何時姚崇亦以為不然既而虔瓘卒無功虔瓘復奏奴八人有戰功請除游擊將軍盧懷慎曰虔瓘恃功侮法不可許也上從之

集覽 遞馱 遞也 馱唐佐反 驢馬駝駝載物曰負 馱彊幹弱枝京師為幹 四方曰枝 沙磧悠然唐志西州之西南

有南平安昌兩城百二十里至天山西南入谷經磧石磧二百二十里至銀山磧又北庭都護府有小磧又云伊麗河西行千里至碎葉城水皆北流入磧今曰沙磧則沙乃流沙之類自是兩名杜甫八哀首篇贈司空王思禮詩意無流沙質實安西都護注見高磧是也悠然眇邈無期貌
質實安西都護注見高磧是也悠然眇邈無期貌
注同上年西域國名注見漢哀帝元壽二年秦隴二州名秦注見漢光武建武元年天水隴注同上建武六年
汧

西域八國請降

初監察御史張孝嵩奉使廓州聽以便宜從事拔汗那者古烏孫也內附歲久吐蕃攻之其王奔安西求救孝嵩遂帥旁側戎落兵萬餘人出龜茲西數千里下數百城傳檄諸國咸振西域天食等八國請降勒

石紀功

集覽

拔汗那拔或作枝誤也拔汗那注見中
京景龍二年大食西域國在波斯國西

而還

都婆質實

龜茲西域國名注見漢光武建武
羅門質實二十二年傳檄注見楚義帝元年

冬十二月貶崔日知為歙縣丞

京兆尹崔日知貪暴不法李傑將糾之日知反搆傑
罪侍御史楊瑒廷奏曰若糾彈之司使奸人得而恐
喝則御史臺可廢矣上遽命集覽瑒丑亮反恐喝喝
傑視事貶日知為歙縣丞與瑒通音許昌反

史記務以秦權恐喝諸侯顏師古曰恐喝相恐脇也
歙漢丹陽地初改鄣郡為丹陽而丹陽都尉分治歙

隋置歙州宋改徽州
治歙縣歙失涉反

質實

京兆郡名注見開元十一
年崔日知滑州靈昌人一

統志云歙縣秦初所置屬鄣郡以縣南有歙浦故名
漢屬丹陽郡為都尉治晉屬新安郡梁屬新寧郡隋

初縣省後復置為歙州治宋為徽州
治元仍舊至本朝因之屬徽州府

以韋玠為冀州刺史

尚書左丞韋玠以郎官多不舉職請汰之尋敕出玠
為小州刺史姚崇言玠以奉公貶黜議者皆謂郎官
謫傷恐後求左右丞指以為戒
集覽 玠悲貧反不舉
則省事何從而舉乃除冀州
職舉稱也記明
堂位各揚其職百官廢職服大刑也
揚舉也廢不舉也受廢職之大罰
質實 冀州注見
年信 秦二世二

以突騎施部將蘇祿為金方道經畧大使

突騎施守忠既死部將蘇祿頗善撫十姓部落稍
馴歸之有衆二十萬據有西方遣使入見故有是命

四年春正月殺尚衣奉御長孫昕

昕皇后妹夫也與御史大夫李傑不協於里巷伺而
殺之傑自訴上大怒命於朝堂杖殺以謝百僚胡氏
曰高宗有言雖太子有罪亦不可赦近於公矣而夫
父子之恩使太子不免于死立宗以重刑加諸后
實之輕罪亦近於公矣而傷夫婦之義使皇
后不免于廢殺故動者動之微不可不慎也

書法

時侍后黨大臣罪也帝罪之公矣其以無
罪之辭書何昕信有罪罪不至死也而殺之

甚矣其罪之重也長孫昕書殺

發明

立宗初政清明深惡戚里撓權之弊故長孫

至死若等其輕重收斂足矣故書殺而不去其官

以鄮王嗣真為安北大都護陝王嗣昇為安西大都護

質實

陝州名注見周顯王四十五年

二王皆不出閭諸王遙領節度自此始

書法

諸王遙領外鎮始此

以倪若水為汴州刺史

上欲重都督刺史選京官才望者為之然當時猶輕外任揚州採訪使班景倩入為大理少卿過大梁若水饒之望其行塵久之謂官屬曰班生此行何異登仙上嘗遣宦官詣江南取鵝鵲鵠等欲置苑中所至煩擾若水言今農桑方急而羅捕禽鳥水陸傳送道路觀者豈不以陛下為賤人而貴鳥乎上手教謝

之縱散

集覽

鵲音交晴郭璞曰鵲似鳬脚高有毛冠辟火災陸佃云長目晴交故名鵲

鵲鴝鴒音奚救水鳥五色小於鵲埤雅作溪鴝鴒賦云溪鴝尋邪而逐害其宿若有教令故名溪鴝質

實

汴州注見周顯王二十九年大梁揚州注見漢武帝元朔五年淮南大梁郡名注見周顯王二十九

年

書法

於是欲重外任特選京官才望者為之帝可謂知所權衡矣自貞觀二十年以來綱目書

以為刺史者四十餘人自狄仁傑外皆貶黜者以父母斯民之職而以其所貶黜者為之若此而求外任之重難矣書此蓋予之也

山東復大蝗

山東蝗復大起姚崇又命捕之俛若水謂蝗乃天災
非人力所及宜脩德以禳之劉聰時嘗捕埋之為害
益甚拒不從命崇牒若水曰劉聰為主德不勝妖今
日聖朝妖不勝德古之良守蝗不入境若其脩德可
免彼豈無德致然因勅使者察捕集覽劉聰晉惠時
蝗者勤惰以聞由是不至大饑據平陽借號
曰質實劉聰時嘗捕埋之事在晉愍帝建興四年蝗
不入境漢宋均建武中為九江太守時楚沛
多蝗具飛至九江
界者輒東西散去

書法

三年書山東大蝗矣
於是復見故書復

召新除縣令試理人策

或言於上曰今歲選叙太濫縣令非才上悉召至殿
庭試理人策惟韋濟詞理第一擢為醴泉令餘二百

人不入第且令之官四十五人放歸學問吏部侍郎
盧從愿李朝隱皆坐左遷從愿朝隱典選稱職高宗
之世馬載裴行儉在吏部最有名時人稱前有馬裴後有盧李
名注見中宗嗣聖七年左
遷注見漢宣帝元康二年

夏六月太上皇崩○拔曳固斬突厥默啜以降

初突厥默啜北擊拔曳固大破之恃勝輕歸不復設
備拔曳固迸卒頡質略自柳林突出斬之時子將郝
靈荃使突厥得其首拔曳固同紇同羅雷僕固五部
皆來降突厥立默棘連為毗伽可汗以闕特勤為左
賢王專集覽拔曳固注見太宗貞觀元年拔野古進
典兵馬卒頡質畧迸卒散走之卒也名頡質畧
子將子者人之嘉稱將者官稱也舉其官而稱子焉
後靈荃改授郎將回紇注見太宗貞觀元年同羅注

同上年霄注同上年僕固注同上年闕
實實突厥北

特勒突厥俗稱子弟曰特勒闕名也
秋國名

注見梁武帝大同十一年可汗夷
秋君長號注見漢後主景耀四年

秋八月遷中宗於別廟

太常博士陳貞節蘇獻以太廟七室已滿請遷
中宗神主於別廟奉睿宗神主祔太廟從之

突厥降戶叛命薛訥等追討之

突厥默啜既死突騎施蘇祿復自立為可汗毘伽可
汗患之默啜時牙官瞰欲谷年七十餘多智畧國人
信服之毗伽乃召以為謀主突厥降戶處河曲者多
叛歸之并州長史王峻上言此屬徒以其國喪亂故
相率未降若彼安寧必復叛去乃是畜養使為間諜
日月滋久奸詐愈深願集兵衆徙之內地漸變舊俗

皆成勁兵雖一時暫勞然永久安靖疏奏未報降戶
果叛命朔方大總管薛訥討之王峻亦引并州兵追
擊破之單于副都護張知運不設備為虜所擒將軍
郭知運邀擊破之張知運乃得還上以其喪師斬之
毗伽謀入寇暇欲谷曰唐王英武民和年豐未有間
隙我衆新集且當息養數年始可觀變而舉毗伽又
欲築城立寺觀暇欲谷曰突厥人徒不及唐之百一
所以能與為敵者正以隨逐水草射獵為業人皆習
武彊則進兵弱則竄伏故也若變舊俗必為所滅釋
老之法教人仁弱非用武爭勝之術不可崇也乃止
集覽河曲注見漢光武
建武二十二年
質實間課注見漢王邦三年

元朔
元年

冬十月葬橋陵質實

一統志云橋陵在西
安府蒲城縣豐山

○十一月黃

門監盧懷慎卒

懷慎疾亟上表薦宋璟李傑李朝隱盧從愿上深質
納之既薨家無餘蓄惟老蒼頭請自鬻以解喪事

實

老蒼頭注見漢
光武建武五年

以源乾曜同平章事十二月以宋璟為西京留守

姚崇無居第寓居罔極寺以病謁告上遣使問之曰
數十輩源乾曜奏事稱旨上曰此必姚崇之謀或不
稱旨則曰何不與姚崇議之乾曜請還崇于四方館
仍聽家人入侍疾崇固辭上曰設四方館為官吏也
使卿居之為社稷也恨不可使卿居禁中耳此何足
辭崇子彛異頗受賂遺為時所譏又崇所親信主書
趙誨受賂事覺當死崇復營救上不悅會曲赦京城
特初杖誨流嶺南崇由是請避位為廣州都督宋璟

自代上將幸東都以環為刑部尚書西京留守遣內侍楊思勗迎之環風度凝遠人莫測其際在塗不與思勗交言思勗素貴幸歸訴于上上嗟嘆良久益重環范氏曰昔中根以德不得為剛環所以能剛其惟無德乎明皇以此重

集覽

吳昇崇二子風度凝遠大質

實

社稷注見新莽天鳳元年嶺南道名注見秦始皇三十三年南海廣州注同上年申根以德不得為

剛申根魯人孔門弟子孔子嘗言吾未見剛者或以根對孔子謂根也德焉得剛後世追封上蔡侯

書法

自隋世以來京尹不書書留守趙王侗重留任也唐有天下且百年京尹無聞焉蓋至是

四書留守矣房玄齡劉仁軌蘇良嗣宋

綱目於此致意管鑰之任夫豈輕哉

閏月姚崇源乾曜罷以宋璟為黃門監蘇頌同平章事

環為相務在擇人隨材授任使百官各稱其職刑賞
無私犯顏正諫上甚敬憚雖不合意亦曲從之突厥
默啜自武后世為中國患朝廷旰食傾天下之力不
能克却靈荃得其首自謂不世之功環以天子好武
功恐好事者競生心微倖痛抑其賞逾年始授郎將
靈荃慟哭而死范氏曰宋璟可謂賢相矣見其始而
知其終沮其勝而憂其敗明皇卒以躋武至于大亂
何其智之明歟其可謂賢相矣○環與頤相得甚厚
環每論事則頤助之環嘗謂人曰吾與蘇氏父子同
居相府僕射寬厚誠為國器若獻可替否則黃門過
其父矣上嘗令環及頤制皇子名及國邑之號又令
別制一佳名號進環頤奏曰七子之均養著于國風
今制名號各三十餘混同以進以彰陛下覆幬無偏
之德上甚善之姚宋相繼為相崇善應變成務環善
守法持正二人志操不同然協心輔佐使賦役寬平
刑罰清省百姓富庶唐世翊相前稱房杜後稱姚宋

他人莫得比焉二人每進見上輒為之起去則臨軒送之及李林甫為相雖寵任過于姚宋然禮遇殊卑薄矣范氏曰三公生而論道天子所與共天位治天職者也故其禮不可不尊其任不可不重自堯舜至于三代尊禮輔相詩書著矣漢承秦敝崇君卑臣然猶宰相進見天子御生為起在輿為下所以體貌大臣而風厲其節也開元之初明皇勵精政治優禮故老姚宋是師天寶以後宴安驕侈倦求賢俊委政羣昵人主甘之薄于禮而厚于情是以林甫得容其姦故人君不體貌大臣則賢者日退而小人日進矣紫微舍人高仲舒博通典籍齊澣練習時務姚宋每坐二人以質所疑既而嘆曰欲知古問高君欲知今問齊君可以無闕政矣廣州請為璟立遺愛碑璟請問齊君可以無闕政之風於是他州皆不敢立山人范知璿獻所為文璟判之曰觀其良宰論頗涉謠諛文章

若高宜從舉集覽僕射謂蘇瓌黃門謂蘇頌開元初
選不可別奏改門下省為黃門省七子之均養

詩凱風美七子能盡其孝道質實徵倖注見宋孝
體貌大臣謂加容貌以敬之武帝大明二年

罷十道按察使○始制郎御史起居遺補不擬

舊制六品以下官皆委尚
書奏擬是歲始更此制

書法

良法也故
特書始

丁巳五年春正月太廟四室壞行幸東都考異行幸二字
當作帝如

上將幸東都會太廟四室壞上素服避殿以問宋璟
蘇頌對曰陛下三年之制未終遽爾行幸恐未契天
心故災異為戒願且停之姚崇曰太廟屋材皆荷堅
時物朽腐而壞適與行會何足異也百司供擬已備

不可失信但遷神主於太極殿更脩太廟耳上大喜
從之命崇五日一朝入閣供奉恩禮更厚有大政輒
訪焉褚無量言隋文帝富有天下豈取苻氏舊材以
立太廟此特諛臣之言願陛下克謹天戒納忠諫遠
謠諛上弗聽遂幸東都胡氏曰長君之惡其罪小逢
君之惡其罪大姚崇于是其逢也甚矣大臣以道事
君固如是邪因是見唐有天下不自建廟而因隋故
屋非禮亦大矣太宗營繕甚衆而忽于所當先甯于
王珪能幾何哉○上過峭谷道隘不治欲免河南尹
及知頃使官宋璟曰陛下方事巡幸今以此罪二臣
臣恐將來民受其弊上遽命釋之璟曰陛下罪之而
以臣言免之是臣代陛下受德也請令待罪朝堂而
後赦之質實符堅畧陽氏人晉升平初弑秦王生自
上從之質實立為天王太原中入寇敗績為後秦王
姚萇殺之陛下注見漢光武建武二
十七年峭谷注見漢安帝元初二年

書法

上書太廟四室壞下書行幸東都是壞不以行故矣然則無譏歟春秋書世室屋壞譏慢

也況太廟方壞而行幸自如則其為忽宗廟益甚矣姚崇賢相於是凡三獻諛惜哉終綱目宗廟書

壞三漢宣帝本始四年是年五代士子年蜀大水壞其太廟

發明

春秋文公十三年書世室壞而左氏以為書不恭公穀以為譏不脩誠以有國之君莫重

于宗廟而至于圯壞則其怠慢為何如哉玄宗之時太廟室壞此莫大之變也彼姚崇者素以諂君為事日食不應則表賀鼎銘偶合則表賀既有以盡其君之心矣今玄宗當此大變乃欲行幸始焉問之宋璟蘇頌二人對以三年之制未終災異為戒願且停車駕其說甚正使崇亦能以此意告之猶或可以稍警其君今乃以壞與行會為言則是逢君之惡而遷就其說以合之也誣罔甚矣故綱

目于此書太廟四室壞于上書行幸東都于下則見玄宗不終禮制不畏天戒不敬宗廟輕事遊幸一舉而四失皆具而唐人簡于宗廟不以時加葺治之罪又自見矣吁

二月復置營州

奚契丹內附貝州刺史宋慶禮請復營州制置營州都督于柳城使慶禮築之三旬而畢慶禮清勤嚴肅開屯田八千餘所招安流散數年之間倉廩充實市邑浸繁

集覽

制置屬下句制

營州質實

貝州注見漢安帝建光元年宋慶禮洛州永年人

秋七月放太常卿姜皎歸田考異

提要太常作宗政

初上微時與姜皎親善及誅竇懷貞等皎預有功由是寵遇特厚出入卧內至與后妃連榻宴飲宋璟言

太甚非所以安之上以為然因下制曰而漢

集覽南陽故人漢光武南陽人嚴光字子陵

正誤

南陽故人今按光武南陽故人立功為

實

西漢諸將以權責不全諸將謂韓信彭越

在光武建武十三年

以張嘉貞為天兵軍大使

上言突厥降者散居太原以北請宿重質實太原

見齊明帝

以明堂為乾元殿

太廟之卿王仁惠奏則天明堂窮極奢侈不合古制
故遷宮掖人神雜擾制復以為乾元殿正至受賀季

集覽

大享奉上之謂享享通作饗禮書大饗即食饗也饗食

言大享其名故也不尚重味故食正誤大享今按大
享乃祀神之

享即明堂也

九月復舊官名令史官隨宰相入侍羣臣對仗奏事

有制中書門下及三品官入奏事必使諫官史
官之有失則匡正美惡必記之諸司皆正衙奏事
不得為讒慝及許敬宗李義府用事政多私

解奏事官多伏仗下于御座前屏人密奏監察御史
及待制官遠立以俟其退諫官史官皆隨仗出仗下
後事不復預聞武后以法制羣下諫官御史得以風
聞言事互相彈奏于是多以險詖相傾宋璟欲復貞
觀之政制自今事非的須秘密者

集覽

多冠多音宅
賈反異物志

東北荒中有獸名獬豸一角性忠見人闕則觸不直
者閭人論則咋不正者楚懷王嘗獲之以為冠執法
者服之故名法冠一曰柱後惠文高五寸一纓為展
筒鐵柱卷對仗注見高宗永徽五年仗下專君西漢
司馬相如傳適足以專君自損也注專古貶
字史記本傳作貶君一本作專君音訓同

正誤

大臣

不得專君今按相如傳專君自損本作貶非專字也
此言中書門下奏事諫官史官隨之諸司皆正衙奏
事御史對仗請彈文故大臣不得專君專乃
專擅之專集覽不詳上文謂為貶君何哉

書法

良法也此令一出則史無不記之事臣無私謁之言朝廷清明矣故書予之

發明

開創之君有典則以垂後清明之世無詭秘之私情太宗令諫官史官隨宰相入閣議事

治致太平自高宗昏庸失德此制遂泯今宗璟輔政首復舊規雖未能盡如貞觀之盛亦庶幾焉耳

大書于冊

蓋美之也

謫孫平子為都城尉

伊闕人孫平子上言春秋譏魯躋僖公今遷中宗于別廟而祀睿宗正與魯同凡臣于弟猶不可躋況弟臣于兄乎若以兄弟同昭則不應出凡置于別廟願下羣臣博議遷中宗入太廟太常博士陳貞節馮宗蘇獻以為七代之廟不數兄弟殷代或兄弟四人相繼為君若數以為代則無祖禰之祭矣今睿宗之室

當亞高宗故為中宗特立別廟非躋睿宗于中宗之上也平子誣罔聖朝漸不可長然時論多是平子故議久不決獻頌之從祖凡也故頌卒

集覽

譏魯躋僖公春秋文

從其議平子論之不已謫都城尉

二年躋僖公注躋升也僖公閔公庶兄繼閔而立廟坐宜次閔下今升在閔上故書而譏之公羊傳曰躋者何升也何言子升僖公譏何譏爾逆祀也先禰而後祖也注後祖者僖公以臣繼閔公猶子繼父故閔公子文公亦猶祖也都城康州邑名也城本作成史記侯者年表漢昭帝封金安上都成侯索隱曰屬類

川質實

伊闕縣名注見漢帝立更始二年祖禰注見漢章帝元和二年一統志云都城唐之縣名

屬康州宋省入端溪縣故址在肇慶府德慶州東八十二里

冬十二月詔訪逸書

祕書監馬懷素奏省中書頗散闕請選學士整比校補從之于是搜訪逸書選吏繕寫命國子博士尹知章等二十二人於乾元殿前編校刊正以褚無量為之使無量卒國子祭酒元行冲代之九年上其錄凡四萬八千卷

集覽

整比校次之也此毘至反

戊午六年春正月禁惡錢

敕錢重二銖四分以上乃得行餘人間惡錢鑄之更鑄如式宋璟請出太府錢二萬緡以平價貨百姓不售之物可充官用庶使良錢流布人間其後敕太府及府縣出粟十萬石糴之以餉人間惡錢送少府銷毀質實惡錢謂鉛鐵相雜及摩質取鉛盜鑄者

徵嵩山處士盧鴻為諫議大夫不受質實

嵩山注見中宗嗣聖十二

年處士注見周赧王
元年盧鴻幽州人

書法

書予之也綱目書徵士二十有一書不至者八書不屈不就

武建武五年

○夏四月敕度鄭銑郭仙舟為道士

河南參軍鄭銑朱陽丞郭仙舟授匭獻詩敕曰觀其文理乃崇道法至于時用不切事情宜從所好度為道士質實
河南府名注見秦莊襄王元年三川朱陽縣名未詳沿革投匭注見中宗嗣聖三年道士

注見隋煬帝大業六年

書法

書敕度何美之也鄭郭獻詩志崇道法蓋執左道以蠱惑其君者也然為道士足以懲姦

人矣故綱目特書救度是時玄宗初政清明
故有此救後二十年則有元學博士之置矣

發明

書救度鄭銑郭仙舟為道士以文觀之似若
崇尚異端者而不知二人從宦于時獻詩見

志乃溺于虛無之學故玄宗特以是黜之與
太宗之聽蕭瑀出家無異亦可以警流俗笑

秋八月令州縣歲十二月行鄉飲酒禮

胡氏曰物有本末事有終始知所先後則近道矣鄉
飲酒者古鄉禮也然必先制民之產使安土樂業急
政暴賦無施于其間設為庠序學校教以人倫且興
其賢能出長而入治之然後禮樂可行鄉飲酒者其
一條也人道所急有冠有婚有喪有祭有燕有射有
鄉飲酒其緩急則又有序矣今獨舉鄉飲酒而行之
他皆不及焉安能有益于百
姓哉祇為繁文末節而已矣

集覽

鄉飲酒禮禮季冬
之月正齒位則縣

令為主。人鄉之老人年六十以上有德望者一人為賓。其次為介。為三賓。為眾賓。賓主燕飲。則司正北面。揚觶而戒之。以忠孝之本。唐制。州貢明經秀才進士。自孝悌旌表門閭者。行鄉飲酒之禮。皆刺史為主。人先召鄉致仕有德者。謀之賢者。為賓。其次為介。又其次為眾賓。與之行禮。而賓舉之。山堂攷索曰。正義曰。鄉飲酒。一為凡有四事。一則三年賓賢能。二則鄉大夫飲國中賢者。三則州長習射飲酒也。四則黨正蜡祭飲酒也。總而言。質實。設為庠序學校。教以人倫。孟之皆謂之鄉飲酒。質實。子曰。設為庠序學校。以教之。庠者養也。校者教也。序者射也。夏曰校。殷曰序。周曰庠。學則三代共之。皆所以明人倫也。

書法

鄉飲酒古之所以序長幼也。終綱目千數百年行此禮者。開元而已。雖舉一廢百而綱目

書之其亦饒
羊之微意歟

始加賦以給官俸

唐初州縣官俸皆令富戶掌錢出息以給之多破產者秘書少監崔沔請計州縣官俸于百姓常賦之外微有所加以給之從之

書法

官俸未有書所出者書加賦何譏也國之有賦以給公上之用百官之祿也唐初制賦不

為輕矣當是時未有養兵之費也而官俸又取之息錢是常賦專以給公上爾人主之心安得不傷乎息錢既弊蓋亦以常賦通融給之又加賦焉民之不堪可知矣故特書始終綱目官俸書所出者二是年代官唐德二年稅青錢給官俸皆譏也

發明

官俸當給則官給之可也若官中歲計不足則當量入為出會計而均通之足矣今崔沔

乃請于常賦之外微有所加以給之則是公家有
給俸之名而其實出于他人爾取他人之物以示
已恩固不若不給之為愈然則書始加賦
以給官俸豈不深為可戒而適足為笑哉

冬十一月帝還西京○吐蕃請和

吐蕃奉表請和乞舅甥親署誓
文及令彼此宰相皆署名其上

以李邕鄭勉為遠州刺史李朝隱為大理卿陸象先為

河南尹

宋璟奏邕勉並有才畧文詞俱好是非改變若全引
進則咎悔必至若長棄捐則才用可惜請以為渝峽
刺史大理卿元行冲不稱職請以朝隱代之象
先閑于政體寬不容非請以為河南尹皆從之

渝峽渝水在遼西臨渝東出塞隋置渝州案峽州秦將白起攻楚燒夷陵即其地周以居三峽之口因為

峽質實

渝峽二州名渝注見周顯王八年巴郡峽注見周赧王三十七年夷陵

己未

七年夏四月祁公王仁皎卒質實

祁州名注見中宗嗣聖八年義豐

仁皎后父也其子駙馬都尉守一請用竇孝諶例築墳高五丈一尺上許之宋璟蘇頌以為準令一品墳

高一丈九尺其陪陵者高出三丈竇太尉墳議者頗譏其高大至韋庶人崇其父墳以自達禍豈可復踵

為之臣等所以再三進言者欲成中宮之美耳上說曰朕每欲正身率下沉于妻子何敢私之御能同守

典禮垂法將來誠所望也

集覽

陪陵陪侍也陪葬于君后之陵墓者竇孝諶岐州人殷之後竇太尉

謂孝諶也

五月朔日食

上素服以俟變徹樂減膳命中書門下察繫囚賑饑
乏勸農功宋璟奏曰陛下勤恤人隱此誠蒼生之福
然臣聞日食脩德月食脩刑親君子遠小人絕女謁
除讒慝所謂脩德也君子耻言浮于行苟推至誠以
行之不必數
集覽人隱隱幽也閭閻之陋人主所難
下制書也知者女謁婦人請託也言浮於行
浮過也行言迹也謂所言過於所行也
或曰浮者如物之浮於水上不著實也
正誤勤恤人
人隱民之憂戚也
唐諱民字多作人
質實日食注見漢惠帝七
年月食注同上年

秋八月敕五服並從禮傳

右補闕盧履氷言禮父在為母服周年則天改服三
年今請從舊上下其議褚無量是履氷議敕自今五

服並依喪服傳文然士大夫議論猶不息行之各從其意無量歎曰聖人豈不知母恩之厚乎厭降之禮所以明尊卑異戎狄也俗情膚淺一秦具制誰能正之

集覽

則天改服三年高宗時請自今父在

為母服齊衰三年厭降之禮厭損降下也禮子為母服齊衰三年父在則厭降服齊衰期也喪服小記注父在厭也厭一妾反又於豔反

九月徙宋王憲為寧王質實

寧州名注見肅宗上元元年

憲成器改名也上嘗從複道中見衛士食畢而棄其餘于甕怒欲殺之憲諫曰陛下窺人過失而殺之臣恐人不自安且陛下惡棄食者為食可以養人也今以餘食殺人無乃失其本乎上大悟遽釋之是日宴飲極歡上自解紅玉帶以賜之

以突騎施蘇祿為忠順可汗

庚申八年春正月宋璟蘇頲罷

上以王仁琬藩邸故吏墨敕與五品官宋璟曰仁琬
曷緣舊恩已獲優改又是后族湏杜輿言乞下吏部
檢勘苟無負犯請依資稍優注擬從之寧王憲奏選
人薛嗣先請授微官璟奏嗣先以懿親之故固應微
假官資然自大明臨御斜封墨敕一皆杜絕望付吏
部知不出正敕從之先是朝集使往往齋貨入京師
將還多遷官璟奏一切勒還以革其弊璟又疾負罪
而妄訴不已者悉付御史臺治之入多怨之者會天
旱優人作魃狀戲于上前問魃何為出對曰奉相公
處分又問何故對曰負冤者三百餘人相公悉以繫
獄故不得不出耳上心以為然時江淮間惡錢尤甚
璟使監察御史蕭隱之括之隱之嚴急煩擾怨嗟盈

路於是貶隱之官罷環頰弛錢禁而惡錢復行矣胡氏曰惡錢之弊不可不革其失在所遣使人嚴急煩擾而之以罷宰相何也玄宗外雖重環心實厭之優人中傷安知非楊思勗之徒懷宿憾而恭使為之乎姚崇張說善于迎合故罷而復用宋璟蘇頌介然守正故斥而不復甚哉君子之難合也史論賢相姚宋並稱姚非宋公比也安得齊名必也

集覽

大明臨御張九齡乎乃可與璟同日而語矣東漢馬融

傳大明生東注大明日也今玄宗如日之在上故曰大明也臨御義取尚書臨下御衆斜封墨敕中宗時公主婕妤皆依執用事於側門請謁受賕雖屠沽穢獲用錢三十萬則別降墨敕除官斜封以付中書時號斜封官知不出正敕天子敕書須中書省宣署申覆然後施行謂之正敕玄宗覺知宋璟必不肯降出正敕遂從其奏題狀題之形狀也詩大雅旱魃為虐注魃音跋旱神也神異經南方有神長二三尺袒身

目在頂上行走如風名曰魃所見之國大旱赤地千里一名旱母中傷中竹仲反陰中害之也戰國策曰必中于趙矣注猶射中的也
正誤望付吏部知不出恭使恭渠記反教也謀也
正教從之今按知字當屬上文為句環謂望以薛嗣先事付吏部知之從主者施行不別其教也正教猶通鑑乾元二年肅宗所謂
質實優人即伶官注見正言也
高宗咸亨三年

以源乾曜張嘉貞同平章事

初嘉貞為天兵軍使入朝有告其奢僭贓賄者按驗無狀上欲反坐告者嘉貞奏曰今若罪之恐塞言路使天下之事無由上達其人遂得減死上以嘉貞為忠用之

夏五月復置十道按察使○以源乾曜為侍中張嘉貞

為中書令

乾曜上言形要之家多任京官使俊乂之士沈廢于外臣三子皆在京請出其二上從之于是出者百餘人嘉貞吏事彊敏剛躁自用引進苗延嗣呂太一員嘉靜崔訓與論政事四人頗招權時人語曰令公四俊苗呂

集覽

員王問反姓也

質實

俊乂釋名云才過千人曰俊乂治也

六月瀍穀溢考異

瀍上當有質實水字疑漏

瀍穀二水名瀍注見梁武帝大同九年穀

注見漢王邦二年

漂溺幾二千人

朔方大使王晁誘殺突厥降戶僕固弓磨

突厥降戶散居受降城側朔方大使王晔言其陰引
突厥謀陷軍城誘僕固都督勾磨而殺之拔曳固諸
部聞之皆懼并州長史張說引二千騎持節即其部
落慰撫之因宿其帳下副使李憲以虜情難信馳書
止之說復書曰吾肉非黃羊必不畏食血非野
馬必不畏刺此吾效死之秋也諸部由是遂安

集覽

勾磨都督名質實受降城注見中宗景龍二年朔方
也勾職各反郡名注見漢武帝元朔元年肉非
黃羊必不畏食血非野

馬必不畏刺未詳其義

書法

凡書誘殺讖也書大使甚讖之也若曰
以中國大使而行詐于降人可愧甚矣

發明

誘殺之非前已論之詳矣書大
使而誘殺突厥降戶尤可耻也

冬十月流裴虛已於新州

上禁約諸王不使與羣臣交結駙馬都尉裴虛已與
岐王範遊宴私挾讖緯生流新州離其昏上待範如
故謂左右曰吾兄弟自無間但趨競之質實識緯注
徒彊相託附耳吾終不以此青兄弟也
帝永明三年新州注
見梁武帝大同七年

十一月突厥寇涼州

先是王暕奏請西發拔悉密東發奚契丹掩毘伽于
奚落水上毘伽大懼瞰欲谷曰不足畏也拔悉密在
北庭與奚契丹相去絕遠執不相及且拔悉密輕而
好利得暕之約必喜而先至暕與張嘉貞不相悅奏
請多不相應必不敢出兵拔悉密獨至擊而取之勢
甚易耳既而拔悉密果發兵逼突厥牙帳朔方奚契
丹兵不至拔悉密退毘伽欲擊之瞰欲谷曰此屬去
家千里將死戰未可擊也不如以兵躡之先分兵間

道聞北庭因縱兵擊拔悉密拔悉密敗走北庭不得入盡為突厥所虜暇欲谷還出赤亭掠涼州河西節度使楊敬述遣裨將盧公利邀之大集覽拔悉密北敗毘伽由是大振盡有默啜之衆秋種名拔音跋輕而輕去聲左傳戎輕而不整注輕不持重也牙帳帳謂旃帳虜俗于帳前立蠹為牙門故曰牙帳

質實

河西郡名注見漢安帝元初元年

辛酉 九年春正月改蒲州為河中府置中都質實

蒲州注見周報

王十二 年蒲坂 ○二月以宇文融為勸農使

監察御史宇文融上言天下戶口逃移巧偽甚衆請加檢括源乾曜贊成之敕有司議招集流移按詰巧偽之法以聞制州縣逃亡戶口聽百日自首或于所在附籍或牒歸故鄉各從所欲過期不首謫徙邊州

以融充使奏置勸農判官十人分行天下其新附客戶免六年賦調使者競為刻急州縣承風勞擾百姓苦之陽翟尉皇甫懌上疏言之坐貶州縣希旨虛張其數或以實戶為客凡得戶八十餘萬田亦如之

質實

陽翟縣名注見周安王二年

突厥遣使求和

突厥毘伽遣使求和上賜書諭以曩昔和親華夷安逸默啜無信數寇邊鄙人怨神怒隕身喪元今可汗復蹈前迹掩襲甘涼隨遣求好國家天覆海容不追往咎可汗果有誠心則共保遐福不然無煩使者徒爾往來若具侵邊亦有質實可汗夷狄君長號注見以待可汗具審圖之質實漢後主景耀四年甘涼

二州名甘注見晉安帝隆安三年張掖涼注見漢光武建武十年武威

夏四月敕舉縣令

敕京官五品以上外官刺史四府上佐集覽四府上舉縣令一人視其政善惡為舉者賞罰佐四府

京兆河南河中太原也別駕長史司馬通謂之上佐

六月罷中都

蒲州刺史陸象先政尚寬簡吏民有罪曉諭遣之嘗謂人曰天下本無事但庸人擾之耳苟清其源何憂不治

秋七月蘭也州胡康待賓反王峻等擒斬之

初蘭也州胡康待賓誘諸降戶同反攻陷六胡州有衆七萬命朔方大總管王峻太僕卿王毛仲天軍兵

節度大使張說共討之峻攻待賓橋之集四夷酋長
腰斬之先是叛胡潛與党項通謀攻銀城連谷張說
將步騎萬人出合河關掩擊大破之党項更與胡戰
胡衆潰說安集党項使復其居業阿史那獻以党項
翻覆請并誅之說曰王者之師當伐叛柔服
豈可殺已降耶因奏置麟州以撫其餘衆

集覽

阿史

那獻阿史那突厥
三字姓獻其名也
質實酋豪党項西羌別種注見陳

後主至德四年銀城注見漢宣帝甘露三年光祿塞
一統志云連谷隋之鎮名唐改為縣宋政和中廢故
址在延安府神木縣舊麟州北一十里合河關在太
原府興縣北乃唐時所置麟州本漢之五原西河二
郡地後周為銀勝二州地屬雕陰郡隋仍舊唐開元
初置麟州後改新秦郡尋廢乾元初復為州宋初移
治吳兒堡尋陞建寧軍端拱初改鎮西軍元于此
置雲州後改為神木縣至本朝因之改屬延安府

九月朔日食○康待賓餘黨復叛貶王暕為梓州刺史

待賓之反詔河西隴右節度大使郭知運與王暕討之暕言朔方兵自餘力請赦知運還未報知運已至由是與暕不協暕所招降者知運縱兵質實梓州擊之虜以暕為賣已由是復叛暕遂坐貶質實梓州注見

漢獻帝建安十八年梓潼

梁文獻公姚崇卒考異

此誤書謚考證

當去文獻二字分註謚文獻

崇遺令曰佛以清淨慈悲為本而愚者寫經造像冀以求福昔周毀經像而修甲兵齊崇塔廟而弛刑政一朝合戰齊滅周興汝曹勿效兒女子終身不寤追薦冥福道士見僧獲利效其所為尤不可延之於家永為質實周毀經像而修甲兵事在陳宣帝大建六年齊崇塔廟而弛刑政事在陳宣帝大建

年八

以張說同三品。以王君奭為河西隴右節度大使。

君奭與郭知運皆以驍勇著名為虜所憚至是知運卒君奭自麾下代之集覽君奭與質

實麾下注見漢獻帝建安十四年

冬十一月罷諸王都督刺史召還。新作蒲津橋質實

蒲津橋注見梁武帝大同元年

書法

西晉之初書作河橋矣于是復書蒲津皆津要也終綱目書作橋三晉初甲午年是年憲

宗元和八年吐蕃島蘭橋

○安州別駕劉子玄卒質實

安州注見周世宗顯德五年

子玄即知幾也以字行初著作郎吳兢撰則天實錄言宋璟激張說使證魏元忠事後說脩史見之諤曰劉五殊不相借兢起對曰此兢所為史草具在不可使明公枉怨死者同僚皆失色其後說陰所兢改數字兢曰若狗公請則此史集覽史草撰史之草本不為直筆何以取信于後

書法

別駕未有書卒者卒子玄何錄良史也綱目卒別駕一而已

造新歷及黃道遊儀

太史言麟德歷浸踈日食屢不效上命僧一行更造新歷梁令瓚造黃道遊儀以候七政遣太史監南宮說等於河南北平地測日晷及極星夏至日中立八尺之表同時候之陽城晷長一尺四寸八分弱夜視

北極出地高三十四度十分度之四浚儀岳臺畧長一尺五寸微強極高三十四度八分南至朗州畧長一尺七寸七分極高二十九度半北至蔚州畧長二尺二寸九分極高四十度南北相距三千六百八十八里九十步畧差一尺五寸三分八月海中望老人星至交州畧出表南三寸三分八月海中望老人星下衆星粲然皆古所未名大集覽僧一行更造新歷率去南極二十度以上皆見集覽僧一行名也姓張氏郊國公公謹之孫為僧隱嵩山詔新造歷一行于是推大衍數立術以應之撰開元大衍歷道士邢和璞嘗謂尹愔曰一行具聖人乎漢時洛下閎造歷云後八百歲當差一日必有聖人正之今年期畢矣而一行造大衍正其差謬則洛下閎之言信矣梁令瓚造黃道遊儀一行改造新歷欲知黃道進退而太史無黃道儀梁令瓚以木為遊儀一行是之乃奏曰李淳風黃道儀法頗難術造廢臣更造遊儀使黃道交于

奎軫之間內施白道月環簡而易從其儀以古尺四分爲度旋樞雙環具表一丈四尺六寸一分縱八分厚三分直徑四尺五寸九分古所謂旋儀也案李淳風黃道儀以玉衡璇璣表裏三重其在外者曰六合儀次其內曰三辰儀其最在內者曰四遊儀四遊者以其東西南北無不周徧也舜典璿璣玉衡下蔡氏傳頗詳南宮說南宮複姓說名也河南北平河南即洛州也玄宗改河南府北平郡屬幽州今定州北平縣是日晷樞要云日光曰景日影曰晷晷長則表影短晷短則表影長極星是爲北辰其星有五在紫微中天運大窮三光迭曜而極星不移陽城注見秦二世元年文公語錄曰今之地中與古不同漢時陽城是地中宋朝岳臺是地中已自差許多浚儀岳臺岳臺在開封府浚儀縣浚儀注見漢明帝永平十二年朗州朗本作閩秦巴郡閩中縣也唐改閩州在利州東路蔚州本代地周宣帝置蔚州今屬上都路飛狐

縣在其南交州本百粵地漢武置交州隋改廣州屬
廣東道老人星下衆星天官書南極老人老人見治
安不見兵起正義曰老人一星在弧南一曰南極為
人主壽長之應常以秋分之曙見于丙春分之夕見
于丁不見人主憂也其下衆星古未名

正誤

河南北
平地今

者史云乃渾天家以為常沒地中者

按此當謂於河南河北

質實

陽城縣名注見隋煬帝
大業十三年一統志云

之平地上測度日晷也

浚儀漢之縣名屬陳留郡魏晉以後皆因之東魏于
此置梁州後周改汴州隋廢陳留郡以縣屬鄭州唐

於此置汴州以開封縣省入尋復舊宋初改祥符縣
金元因之至本朝復以開封縣併入為開封府治所

仍屬焉七政書舜典篇在璇璣玉衡以齊七政注日
月五星也亦曰七曜朗州注見漢光武建武二十四

年武陵蔚州注見楚義帝元年代
國交州注見宣宗大中二年安南

書法

書歷多矣唯太初書造於是復見予一行也後此則唯王朴欽天書作蓋皆予之渾儀必

書重象器也終綱目書渾儀四書儀一詳宋內子年

壬戌十年春正月幸東都考異

此句上漏帝字幸當作如○夏四月以

張說兼知朔方軍節度使

置朔方節度使領單于都護府夏鹽等六州二軍三受降城以宰相張說兼領之范氏曰宰相之職無不總統而節制一道此開元之亂制也夫宰相百官之首名且不正則何以正百官矣自古官制之紊未有如開元

質實

夏鹽二州名注見德宗貞元三年

五月伊汝水溢質質

伊汝二水名伊注見漢高后三年汝注見梁武帝普通六年

漂溺數千家

六月博州河決質實

博州注見漢光武建武八年東郡

書法

自王莽辛未書河決其後無書者至是七百餘年始復一書豈王莽不塞之私反足以便

水之性歟

○制增太廟為九室

增太廟為九室遷中宗還太廟范氏曰天子七廟而祖功宗德其廟不毀則無世數自古以來未之有改也明皇始為九廟過其制矣夫禮不可多也不可寡也三代之禮所以為後世之法者盡矣唐制何所取乎質實

七廟注見宋明帝太始七年

書法

書識非古也古者天子七廟唐遷中宗而祀之別廟非矣於是復還太廟而增為九室則

中睿昭穆之次必有所處可也其如庾古何哉凡增者不宜增者也是故漢壇塲珪幣書增文帝十

四年唐太廟九室書增是年宗廟蓮豆書增開元二十四年皆識也

秋安南亂遣內侍楊思勗討平之質實

安南府名注見宣宗大中二年

書法

書遣內侍何譏也亂既平矣何譏焉輕國體重閣權兩失之矣內臣總兵始此故謹書之

綱目內臣以軍功見者三
是年十六年再書僖宗
中和元年楊復光○此後世內臣專兵之始真德

秀曰唐世中人預國政自玄宗任高力士始中人預軍政自玄宗用楊思勗始

發明

春秋襄十八年諸侯伐齊從齊師齊有寺人夙沙衛者連大車塞隧而殿齊臣殖綽郭最

欽定四庫全書

御批資治通鑑綱目

四十一

謂之曰子殿國師齊之辱也夫以寺人殿師若未甚害而齊人遽謂辱國誠以刀鋸之餘不過供戶庭灑掃之役若預聞軍政則是國為無人此殖綽郭最所以深惡之也嗚呼諸侯且爾況天子乎唐之玄宗削平內難興復唐室勵精為治幾致太平可謂盛天子矣然寵任宦者遂為亡國之本有如安南之亂豈無將臣可遣而必以內臣為之是以綱目於此特書內侍以志其失其為夙沙衛也大矣然則以內臣而總王師勝負皆辱何待他時魚朝恩吐突承璀田令孜之徒而後知其辱軍政哉

○杖秘書監姜皎流之欽州質實

欽州注見隋文帝開皇十七年

初上之誅韋氏也王皇后頗預密謀及即位色衰愛弛武惠妃陰懷傾奪之志上密與皎謀以后無子廢之皎洩其言上怒張嘉貞希旨搆成其罪云皎妄談休咎杖而流之卒于道敕宗戚自非至親無得往還

卜相占候之人不
得出入百官之家

北庭節度使張嵩擊吐蕃大破之

吐蕃圍小勃律王沒謹忙謹忙求救于嵩嵩遣副使
張思禮將蕃漢步騎四千倍道合擊大破之斬獲數
萬自是屢歲吐蕃不敢犯邊

集覽

小勃律王沒謹忙小勃律西域國去京兆七千里而羸其王姓

沒名質實吐蕃西羌種名注
謹忙見太宗貞觀八年

張說巡邊討康待賓餘黨平之奏罷邊兵二十萬人

康待賓餘黨康願子反自稱可汗張說發兵追討擒
之其黨悉平徙殘胡五萬餘口於許汝唐鄧仙豫等
州空河南朔方千里之地先是緣邊戍兵常六十餘
萬說以時無彊寇奏罷二十餘萬使還農上以為疑

說曰臣久在疆場具知其情將帥苟以自衛及役使營私而已若禦敵制勝不必多擁冗卒以妨農務上乃從

質實

許汝唐鄧仙豫等州許注見漢光武建武八年長社汝注同上建武二年梁縣唐注

見齊武帝永明五年此陽鄧注見周報王十四年穰仙未詳沿革豫注見漢光武建武十九年汝南

始募兵充宿衛

初諸衛府兵自成丁從軍六十而免其家不免離徭浸以貧弱逃亡畧盡百姓苦之張說建議請召募壯士充宿衛不問色役優為之制逋逃者必爭出應募上從之旬日得精兵十三萬分隸諸衛更番上下兵農之分自此始矣范氏曰唐制諸衛府有為兵之利而無養兵之害田不井而兵猶藏于民最為近古而便于國者也開元之時其法寢墮張說不完其所以而輕變之兵農既分卒不能復則說之為也夫三代

之法出于聖人及其末流亦未嘗無弊救之者舉其偏以補其弊而已若并其法廢之而以私意為一切苟簡之制此後集覽府兵唐初置府兵以驃騎車騎世所以多亂也兩將軍府領之天下既定改驃騎曰統軍車騎曰別將後太宗更統軍為折衝都尉別將為果毅都尉諸府總名曰折衝府天下凡十道置府六百三十四皆有名號而關內二百六十一皆隸諸衛凡府有三等兵千二百人為上千人為中八百人為下不問色役七制作簡色役注簡猶省也色役謂諸色雜徭役

書法

志府兵所以廢也故特書始

冬十月復以乾元殿為明堂質實

明堂注見漢武帝建元元年

書法

武氏毀乾元作明堂則新之矣帝以不依古制復廢為殿似也別議新之豈無其地於是

廢已六年復為明堂則人神之瀆並甚矣又十六年而復毀為殿謂之何哉故已卯復修東都明堂不書以為不足書也故削之

○十一月初令宰相共食實封三百戶○十二月永穆

公主適王鈞考異

永上漏以字

敕以永穆公主下嫁資送如太平公主故事僧一行諫曰武后惟太平一女故資送特厚卒以驕敗奈何以為法乎質實一統志云永穆隋之縣名屬巴州唐上遽止之屬通州宋始改永睦元省之故址在

夔州府達縣西一百里

書法

於是敕資送如太平以一行諫而止書美之也

癸亥

十一年春正月帝北巡詔潞州給復五年以并州為

太原府置北都質實

潞州注見周報王五十三上年黨

書法

潞州何藩藩也高帝之沛光武之春陵則帝鄉也藩藩耳而復焉亦濫恩矣故書譏之

○二月張嘉貞罷

張說與嘉貞不平會嘉貞弟嘉佑職發說勸嘉貞素服待罪于外遂左遷幽州刺史初廣州都督裴佑先下獄上與宰相議其罪嘉貞請杖之說曰刑不上大夫為其近君且所以養廉耻也蓋士可殺不可辱臣尋巡北邊聞姜皎杖于朝堂皎官登三品亦有微功奈何以皂隸待之事往不可返豈宜復蹈前失上深然之嘉貞不悅退謂說曰何論事之深也說曰宰相時來則為之若大臣皆可笞辱行及吾輩矣此言非

為仙先乃為天下士

質實

左遷注見漢宣帝元康二年廣州注見秦始皇三十

三年南海刑不上大夫注見漢文帝六年

祭后土于汾陰

初上將幸晉陽張說言於上曰汾陰睢上有漢后土祠其禮久廢陛下宜因巡幸脩之為農祈穀上從之

集覽

汾陰睢上注見漢

質實

晉陽縣名注見周威烈王二十三年漢后土祠

注見漢武帝元鼎四年

貶王同慶為贛尉

坐為平遥令廣為儲侍煩擾故也

集覽

贛尉贛縣之尉也漢地志豫章有贛縣注贛音紺如淳曰

音感章貢二水合流漢即其間立縣因質實一統志云贛漢

名焉晉立南康郡隋置虔州宋改贛州之縣名屬豫章郡東漢屬廬陵郡吳屬南部都尉晉始為南康郡治隋初改南康縣後復為贛縣唐為虔州治宋元仍舊本朝因之為贛州府治仍屬焉平遥古地名漢為平陶縣屬太原郡東漢屬西河郡晉屬太原國後魏以太武名燾改平遥縣屬西河郡後周省隋復置屬介休郡唐屬介州貞觀初屬汾州後屬太原府宋金仍舊元屬汾州至本朝因之仍屬焉

以張說兼中書令○罷天兵大武等軍○三月帝至西京○夏四月以王峻同三品兼朔方軍節度大使○五月置麗正書院

上置麗正書院聚文學之士或修書或侍講以張說為使有司供給優厚中書舍人陸堅以為無益徒費欲奏罷之說曰自古帝王於無事之時莫不崇宮室廣聲色今天子獨延禮文儒發揮典籍所益者大所損者微陸子之言何不達也

書法

書美之也太宗書弘文立宗書麗正皆美之也終綱目書書院一而已○書書院始此

秋八月敕州縣安集逃戶

敕前令檢括逃人慮成煩擾宜令所在州縣安集遊具生業

尊獻祖懿祖祔于太廟

宣帝為獻祖
光帝為懿祖

冬始置長從宿衛

命尚書左丞蕭嵩與京兆蒲同岐華州長官選府兵及白丁一十二萬謂之長從宿衛一年兩番州縣母

得役

集覽

京兆蒲同岐華京兆今西安府是蒲漢天

改同州岐漢扶風郡魏改岐州唐改鳳翔府華即華陰魏改華州

質實

蕭嵩蘭陵人梁明帝之後

一統志云京兆郡名本周之王畿地秦置內史以領關中漢初置渭南郡尋罷郡復置內史景帝分置左

右內史此為右內史武帝改京兆尹與左馮翊右扶風為三輔東漢於此置雍州尋罷三國魏改尹為守

晉置雍州理京兆未幾為劉石苻姚所據後魏仍置雍州西魏後周皆置京兆尹隋初置雍州尋改為京

兆郡唐初復為雍州又改京兆郡尋復雍州開元初改京兆府自周秦漢晉西魏後周隋唐並都於此唐

末為佑國軍五代梁改永平軍後唐復為京兆府晉
改曰晉昌漢改曰永興宋仍為京兆府屬永興軍路
金屬京兆府路元改西安路後改奉元路至本朝改
為西安府隸陝西道蒲州名注見周赧王十二年蒲
坂同州名本周之大荔國秦為內史地漢初置河上
郡後為左內史武帝時改左馮翊三國魏為馮翊郡
後魏兼置西華州西魏改為同州取禹貢澧水攸同
之義隋罷州復置馮翊郡唐初復為同州治馮翊縣
天寶初復為馮翊郡乾元初復為同州後為匡國軍
五代梁改忠武軍後唐復舊宋改定國軍屬永興路
金屬京兆府元仍為同州以馮翊縣省入焉本朝因
之屬西安府岐州名注見周顯王八年華州名本周
時鄭桓公始封之地其地亦名咸林秦為內史地漢
魏晉並為京兆弘農二郡地後魏置華山郡又改東
雍州西魏改為華州隋省後置華山郡唐復為華州
垂拱初改太州天寶初改華陰郡後復為華州乾寧

中陞興德府又為鎮國軍五代梁改威化軍唐復鎮國軍宋改鎮潼軍金改金安軍元復為華州後以鄭縣省入焉本朝因之屬西安府

書法

志府兵所以終廢也故再書始

發明

府兵唐之良法也然久而不能無弊要當舉其偏而補之足矣不是之思乃輕於變法果

何意哉綱目前書始募兵充宿衛此書始置長從宿衛始之一詞所以志變法之端使後人得以推考焉耳任是責者豈非張說乎

十二月貶王峻為蘄州刺史質實

蘄州注見陳宣帝大建五年齊昌

改政事堂為中書門下

張說奏改之列五房
于其後分掌庶政

甲子十二年春三月以杜暹為安西副大都護

初監察御史杜暹因按事至突騎施突騎施饋之金
暹固辭左右曰君寄身異域不宜逆其情乃受之埋
于幕下出境移牒令取之虜大驚追之不及及質實
安西都護闕暹自給事中居母憂詔起為之
杜暹濮州人安西都護
注見高宗永淳元年

書法於是都護闕暹以母憂詔起復為之不書起
復何金草事也綱目書起復皆譏辭惟表繁

以國難杜暹以金
草無譏也故不書

夏五月停按察使

書法

自景雲二年至是十四年凡三置三罷及三年而復置政令之不一甚矣

○復以宇文融為勸農使

制聽逃戶自首闢所在間田隨宜收稅毋得差科征役租調一皆蠲免遣宇文融巡行州縣議定賦役

書法

書復以何貳過也帝之興利始益急矣

六月制選臺閣名臣為諸州刺史

上以山東早命選臺閣名臣出為刺史初張說引崔沔為中書侍郎故事承宣制皆出宰相侍郎署位而已沔曰設官分職上下相維各申所見事乃無失侍郎令之貳也豈得拱默而已由是事多異同說因是出質實
山東道名注見宋文
帝元嘉二十五年

秋七月以楊思勗為輔國大將軍考異

楊字上當加內侍二字疑漏

溪州蠻單行璋反以思勗為招討使擊擒之故有是命

質實

一統志云溪州古蠻夷地春秋楚國

之境秦屬黔中郡漢以後為武陵郡地隋為辰州地唐天授初析置溪州或為靈溪郡五代時屬楚馬氏宋初為永順州及上中下溪三州嘉祐中溪州刺史彭仕義叛臨以大兵仕義降熙寧中葉下溪州城賜名會溪隸辰州元時彭萬潛自改為永順等處軍民安撫司後彭天寶又改宣撫司至本朝初內附後陞為永順等處軍民宣慰使司隸湖廣都司

書法

自單超始書為將軍至張讓再見力士三見然未稱大將軍也宦者稱大將軍始此自是

高力士程元振大將軍楊復恭上將軍不可勝書矣綱目宦者稱大將軍三稱上將軍一內臣為

將軍稱
大始此

廢皇后王氏

姜皎既得罪王皇后愈憂畏不安上猶豫不決者累歲后兄守一以后無子使僧明悟為后祭南北斗剖霹靂木書天地字及上名佩之事覺廢為庶人守一賜死廢后尋卒後宮思慕不已上亦悔之

集覽

霹靂木雷所震之木質實由豫注見秦孝文王元年

書法

於是后兄守一為后祈祭書上名使后佩之則后亦不為無罪矣其以無罪之辭書之何

誅意也自惠妃嬖而后有必廢之勢上之欲廢后數年矣不為是也綱目深探其情故書曰廢皇后

王氏

八月以宇文融為御史中丞

融為御史中丞，乘驛周流天下，事無大小，州先牒上，勸農使然後申中書省。司亦待融指搆，然後處決。上將大攘四夷，急于用度，融以歲終所增緡錢數百萬，悉進入官。由是有寵，議者多言煩擾。上令百寮議之。公卿畏之，皆不敢言。戶部侍郎楊瑒獨抗議，以為括客免稅，不利居人，徵籍外田，稅使百姓困弊，所得不補所失，未幾出。集覽括客，括檢也。客謂避役逃戶，非為華州刺史。土著也。籍外田，見存籍內者為正田。籍外括出者為羨田。皆民所隱匿者。

冬十一月帝如東都質實

東都注見秦莊
哀王元年三川

○羣臣請封

禪

時張說首建封禪之議而源乾
曜不欲為之由是與說不平
質實封禪注見秦始
皇二十八年

書法

書羣臣請何罪請者也自是帝之驕
心始放矣免于責者其源乾曜乎

乙丑十三年春二月以宇文融兼戶部侍郎

制以所得客戶稅錢均充所在常平倉本又委使
司與州縣議作勸農社使貧富相恤耕耘以時

更命長從宿衛為彍騎

總十二萬人分集覽彍騎彍苦郭反蒲張弩也彍騎
隸十二衛六番一曰射騎具法十人為火五火

為團皆有酋長又擇材勇者為番頭習弩射十二衛
六番唐百官志八衛各有左右曰左右衛曰驍衛曰
武衛曰威衛曰領軍曰金吾曰監門曰千牛共十六
衛自左右衛至領軍並掌宮禁宿衛金吾掌宮中京

城警監門掌諸門禁衛千牛掌侍衛凡五府外府之
番上者十二衛受其名簿而配以職除監門千牛凡
左右四衛不須故但十二衛每衛
萬人分為六番番者更代宿衛也

選諸司長官為諸州刺史

上自選諸司長官有聲望者十一人為刺史命宰相
百官餞於洛濱供張甚盛自書十韻詩賜之左丞楊
承令在行中意快快
質實
洛濱洛水之濱注見漢高
后三年快快注見漢光武

建武二年睦州注
見憲宗元和二年

三月禁錮酷吏來俊臣等子孫質實

禁錮注見漢章
帝元和二年

夏四月更集仙殿為集賢殿

上與中書門下及禮官學士宴于集仙殿上曰仙者憑虛之論朕所不取賢者濟理之具今與卿曹合宴宜更名曰集賢其書院官五品以上為學士六品以下為直學士以張說知院事右散騎常侍徐堅副之

書法

魏明更崇華殿為九龍不書書崇華此其書更名何嘉與賢也至書名其宮華清則大非

今日之
玄宗矣

遣使如突厥

張說以大駕東巡恐突厥乘間入寇議加兵守邊召兵部侍郎裴光庭謀之光庭曰封禪者告成功也今將升中于天而我狄是懼非所以昭盛德也突厥屢求和親未許今遣一使徵其大臣從封泰山彼必欣然承命突厥來則戎狄君長無不偕來可以偃旗卧鼓笑說即奏行之上遣中書直省表振諭旨於突厥

小殺與闕特勒噉欲谷環坐帳中置酒謂振曰吐蕃
狗種奚契丹本突厥奴也皆得尚主突厥求昏獨不
許何也且吾亦知入蕃公主皆非天子女今豈問真
偽但屢請不獲愧見諸蕃耳振許為之奏請小殺乃
遣其大臣阿史德頡利發入貢因扈從東巡

集覽

升中

其後頡利發辭歸厚賜而遣之竟不與婚
于天記禮器曰升中于天而鳳凰降龜龍假注云升
上也中猶成也謂巡守至于方嶽燔柴祭天告以諸
侯之成功也小殺突厥君長名阿史德頡利發阿史
德虜三字姓也突厥大臣之官稱凡一十有八等頡
利發其質實
裴光庭間喜人行儉之子泰山注見秦
始皇二十八年扈從注見昭宗乾寧四
年

秋九月禁奏祥瑞

上謂宰臣曰春秋不書祥瑞惟記有年敕自今州縣毋得更奏祥瑞

發明

是時玄宗政事猶為精明故一時所書如選名臣為刺史禁酷吏子孫更集仙殿為集賢

及禁奏祥瑞之類班班見于直筆者皆有足取使其始終若此豈不為盛德之君哉

冬十月作水運渾天成質實

水運渾天注見漢順帝陽嘉二年

水運渾天上具列宿注水激輪令其自轉晝夜一周別置二輪絡在天外綴以日月逆天而行淹速合度置木匱為地平令儀半在地下又立二木人每刻擊鼓每辰擊鍾機械皆藏匱中

十一月封泰山

車駕發東都百官四夷從行有司輦載供具數百里不絕上備法駕至山足御馬登山與宰相及祠官俱

欽定四庫全書

卷四十三上

五十三

登問禮部侍郎賀知章曰前代玉牒之文何故祕之
對曰或密求神仙故不欲人見上曰吾為蒼生祈福
耳乃出玉牒宣示羣臣於是親祀昊天上帝於山上
羣臣祀五帝百神于山下明日祭皇地祇于社首又
明日御帳殿受朝覲敕天下封泰山神為天齊王張
說多引西省吏及所親攝事禮畢推恩往往超八五
品而不及百官中書舍人張九齡諫不聽又扈從士
卒但加勲而無賜物由是中外怨之胡氏曰玄宗于
是侈心未彰方降詔旨不奏祥瑞其意亦可尚矣張
說無故建議東封以啟驕怠之原忠賢愛君果如是
乎而明皇自謂吾為蒼生祈福者則亦惑之甚矣夫
福非可求而取之之物也百姓之所謂福曰壽富康
寧而已上好儉而民財豐節力役而民力裕養生送
死無憾則四海皆躋乎仁壽之域此在人君行與不
行之間耳苟能行之則蒼生之福朝祈而夕至
又何必千乘萬騎泥金檢玉而謂之于天乎

集覽

玉牒注見漢武帝元封元年社首山名注見高宗質麟德二年泥金檢玉注見漢光武建武中元元年

實

法駕注見漢高后八年賀知章越州永興人吳天上帝注見隋恭帝義寧二年五帝注見漢文帝十

五年皇地祇注見漢後王建興十五年朝覲注見陳宣帝大建九年

發明

前書羣臣請封禪蓋專罪羣臣之諛耳此書封泰山文無貶辭亦足見出于玄宗之本心

安而行之者也是時張說首倡諛議使宋璟當國必無是舉故君子以其時及其事觀之又可以知宰相之賢否矣

以王毛仲為開府儀同三司

初隋末國馬皆為盜賊戎狄所掠唐初纔得牝牡三千匹于赤岸澤從之隴右命太僕張萬歲掌之萬歲

善于其職自貞觀至麟德馬蕃息及七十萬匹垂拱以後潛耗大半上初即位牧馬有二十四萬匹以王毛仲為閑廐使張景順副之至是有馬四十三萬上之東封以數萬匹從色別為羣望之如雲錦加毛仲開府儀同三司質實北牡釋名云雌曰北雄曰牡

車駕還幸孔子宅質實

孔子宅注見漢章帝元和二年闕里

書法

漢明帝幸孔子宅書詣唐高祖太宗幸國子監亦皆書詣此其書幸何誤也或曰誠不足

也故徙其恒辭

發明

漢肅宗時書詣孔子宅今此乃書幸何耶意者立宗尊師重道之誠不及肅宗故變文書

幸以見其過自尊大之意耳不然何書法之異也

至宋州

宴從官于宋州上謂張說曰懷州刺史王丘餽牽之外一無他獻魏州崔沔供帳無錦繡示我以儉濟州裴耀卿表數百言莫非規諫且曰人或重擾則不足以告成朕常寘之座隅如三人者不勞人以市恩真良吏矣顧謂刺史寇泚曰比亦屢有以酒饌不豐訴于朕者知卿不借譽于左右也自舉酒賜之由是以丘為尚書左丞沔為散騎

集覽

餽牽詩箋云牛羊豕為牲熟曰饗腥曰餽

侍郎耀卿為定州刺史生曰牽䟽云牲可牽行餽是已

質實

宋州注見漢後主延熙十八年

睢陽懷州注見宋順帝昇明元年魏州注見漢成帝綏和二年濟州注見晉帝奕太和元年高平定州注

見周威烈王二

十三年中山

十二月帝還東都○分吏部為十銓親決試判

上疑吏部選試不公御史中丞宇文融密奏請分為十銓以禮部尚書蘇頌等十人掌之試判將畢遽召入禁中決定尚書侍郎皆不得預左庶子吳兢表言陛下曲受讒言不信有司非居上臨人推誠感物之道昔漢之賢相尚不對錢穀之數不問閭死之人況萬乘之君豈得下行銓選之事乎上雖不即從明年復集覽不對錢穀漢文問丞相陳平錢穀之數平曰故集覽陸下問錢穀責治粟內史不問閭死漢宣時丞相丙吉出見閭死質實禁中注見宋孝者橫道不問而去武大明六年

書法

親決何譏也決試判有司事也而親之下行甚矣故書親親者不宜親者也

發明

人主之職論一相乃下侵銓選之事何哉故特書親決試判以譏之

大有年集覽

大有年注見太宗貞觀四年

東都斗米十五錢
青齊五錢粟三錢
質實
青齊二州名
青注見漢桓帝
永康元年
齊注見漢景帝三年

書法

綱目書大有年四漢明帝永平九年梁武帝
乙酉年太宗貞觀四年是年皆盛時也舍是

無書大有年者矣

發明

自太宗貞觀四年書大有之後高宗朝嘗書
大稔矣祖孫相望至是又書大有于時玄宗

留意政事侈心未動故具治效如此通鑑是年止
述米斗賤糴之數綱目特筆以著其美夫以玄宗
尚能致是人主觀之
可不自強于善也哉

丙寅十四年春正月命張說脩五禮

張說奏今之五禮貞觀顯慶兩書不同或未折衷望與學士討論刪改從之

集覽

兩書不同太宗

貞觀間詔房玄齡等修纂吉禮六十一篇賓禮四篇軍禮二十篇嘉禮四十二篇凶禮十一篇高宗顯慶間詔長孫無忌等增為二
質實
五禮注見陳後主至德三年

夏四月以李元紘同平章事

元紘以清儉
質實
李元紘萬年著故用為相
人道廣之子

張說罷

上召河南尹崔隱甫欲用之張說薄其無文奏擬金吾大將軍說有才智而好賄百官白事有不合者好

妃薨而皇后亦為贈官矣
綱目悉書之所以譏也

發明

太子不當贈諡先儒亦既論之矣然範乃玄宗之弟而又是時官為太子太傅顧以太子

諡之其顛錯不倫一至於此書之于冊尤可笑也

五月戶部奏今歲戶口之數

戶七百六萬九千五百六十五口四千一百四十一萬九千七百一十二

秋七月河南北大水○八月魏州河溢○以杜暹同平章事○冬十月黑水靺鞨遣使入見

黑水靺鞨遣使入見上以其國為州置長史渤海王武藝聞之曰黑水不我告而請吏于唐是必與唐謀

攻我也。遣其弟門藝將兵擊之。門藝曰：黑水請吏于唐，而我擊之，此亡國之勢也。武藝強，遣之。門藝棄衆，來奔。武藝表請殺之上，表曰：大國當示人以信，豈得為此？顧南武藝知之上，表曰：大國當示人以信，豈得為此？欺誑上以鴻臚少卿李道邃等漏洩，皆坐左遷。暫遣門藝詣嶺南以報之。司馬公曰：王者所以服四夷，威信而已。門藝以忠獲罪而自歸，天子當察其枉直而賞罰之，為政之體也。若不能討，猶當正以門藝之無罪告之，今威不能服，武藝思不能庇，門藝顧為欺誑，以取困於小國，乃罪鴻臚之漏洩，不亦可羞哉！
集覽：黑水，靺鞨北狄別種，沈括曰：黑山在大幕之北，有城在其西南，名慶州。子奉使嘗帳宿其下，土石皆紫黑，有水出，具西所謂黑水也。靺鞨居黑水之北，入靺鞨注見隋文帝開皇十八年。
質實：渤海注見太宗貞觀十九年。沙卑鴻臚官名，注見漢武帝太初元年。

丁卯

十五年春正月吐蕃入寇王君奭追擊至青海西破

之

初吐蕃自恃其彊致書用敵國禮上怒張說言曰吐蕃無禮誠宜誅夷但連兵十年甘涼河鄯不勝其弊間其悔過求和願聽款服以紓邊人上曰俟與君奭議之說退謂源乾曜曰君奭勇而無謀常思僥倖吾言必不用矣及君奭入朝果請深入討之會吐蕃寇甘州焚掠而歸君奭勒兵躡其後及于青海之西乘冰而度破其後軍獲其輜重羊馬萬計而還君奭以功遷左羽林大將軍上由是益事邊功

集覽

甘涼河鄯四州俱在河西甘本漢張掖郡涼本漢武威郡河本漢金城郡鄯本金城之破羌縣地以紓邊人紓音舒寬也

質實

甘涼河鄯四州名甘注見晉安帝隆安元年張掖涼注見漢光

寬邊郵之勞費

武建武十年武威河注見晉穆帝咸和三年鄒注見
漢宣帝元康四年湟中僊倖注見宋孝武大明二年
青海注見高宗儀鳳三年輜重注見周顯王
三十六年羽林軍名注見漢昭帝元鳳元年

書法

至青海西何譏深入也是故霍去病擊匈奴
至初連則書至魏主燾追柔然至涿邪則書
至王君奭擊吐蕃至青海西則書至皆深
入也玄宗自是並事邊功矣故謹書之

夏五月作十王宅百孫院

上附苑城為十王宅以居皇子不復出閤雖開府置
官屬及領蕃鎮惟侍讀時入授書自餘歲時通名而
已及諸孫浸多又置百孫院太子亦
不居東宮常在東興所幸之別院
實實東宮注見
梁武帝中

大通元年乘輿注見
漢桓帝延熹二年

夏至賜貴近絲人一綬集覽

一綬猶言一縹也綬即計反

上命妃嬪以下宮中育蠶以知女功至是以其絲賜貴近

書法

絲一綬爾其書何重親蠶也

秋七月冀州河溢質實

冀州注見秦二世二年信都

○許文憲公蘇

頤卒考異

此亦誤書諡

考證

當去文憲二字分註諡文憲

○九月吐蕃陷

瓜州

吐蕃攻陷瓜州執刺史田元獻及王君奭之父進攻玉門使謂君奭曰將軍忠勇許國何不一戰君奭登城西望而泣竟不敢出質實瓜州注見莊宗同光二年玉門闕名注見漢武

帝元鼎六年吐蕃西羌別種注見太宗貞觀八年

盜殺王君奭

初回紇契苾思結渾四部度磧徙居甘涼之間以避默啜王君奭徵時往來其間為所輕及為河西節度以法繩之四部耻怨密遣使詣東都自訴君奭遽奏四部謀叛上遣中使往察之諸部竟不得直于是流其酋長回紇承宗等于蜀南承宗族子護輸合衆報仇會君奭邀擊吐蕃于肅州護輸伏兵殺之

集

覽中使漢桓靈時凡詔所徵求皆質實回紇匈奴別令西國駟密約敕號曰中使

貞觀五年肅州注見漢武帝元朔三年酒泉

書法

王君奭何大將軍也盜殺黃歇不書相譏也此其譏何君奭以邊功逢其君以私怨殺其

身自取之也故削其官終綱目書盜殺十一詳周
威烈王十四年不書官者三黃歇王君奭李輔國

削之也

突厥遣使入貢

吐蕃之寇瓜州也遣突厥毗伽可汗書欲與之俱入
寇毗伽獻其書上嘉之聽于西受降城互市歲齎
帛數十萬匹就市戎質實西受降城注見
馬由是國馬益耗中宗景龍二年

冬十月帝還西京○以蕭嵩為河西節度副大使

時王君奭新敗河隴震駭嵩以裴寬為判官與君奭
判官牛仙客俱掌軍政人心浸安仙客本鶻貊小吏
以才幹為君奭腹心嵩又奏建康軍使張守珪為瓜
州刺史帥餘眾築故城板幹裁立吐蕃猝至守珪於

城上置酒作樂虜疑有備不敢攻而退守珪縱兵擊之虜敗走守珪乃脩復城市收合流散皆復舊業朝廷嘉其功以為瓜州都督吐蕃大將悉諾邏威名甚盛萬縱反間于其國云與中國通謀贊普誅之由是

少集覽

鵠觚注見宋文帝元嘉七年板幹幹本作幹築塙所立兩木幹所以當塙兩面障土者

質實

裴寬間喜人琰之從子建康郡名注見漢獻帝興平二年張守珪陝州人反間注見周報王三

十六年

戊辰十六年春正月嶺南獠反命楊思勗討平之

嶺南獠反陷四十餘城思勗捕斬之思勗用兵所向有功然性殘酷所得虜或生剝其面或擊去頭皮

蠻夷

質實

嶺南道名注見秦始皇三十三年

欽定四庫全書

御批資治通鑑綱目

以宇文融充九河使

融請用禹貢九河故道開稻田并回易集覽陸運錢
陸運錢官收具利興役不息事多不就先是江
淮漕租米至東都以車或馱陸運至陝以待水便其
水運一斛得八斗為成勞陸運率兩斛計庸錢千

質實

九河故道注見漢
成帝建始四年

二月以張說兼集賢院學士

說雖罷政事專文史之任朝廷
每有大事上常遣中使訪之

改曠騎為羽林飛騎質實

羽林軍名注見漢
順帝永建元年

○秋八月

行開元大衍歷○金吾將軍杜賓客破吐蕃于祁連城

實實

初連城注見漢武帝元朔三年

○冬十一月以蕭嵩同平章事

十二月立長征兵分番酬勲法

穀長征兵無有還期人情難堪宜分五番歲遣一番還家洗沐五年酬勲五轉

制戶籍三歲一定分為九等

已已十七年春三月朔方節度使信安王禕攻吐蕃拔石

堡城

初吐蕃陷石堡城留兵據之侵擾河右上命朔方節度使信安王禕與河西隴右同議攻取諸將咸以為石堡險遠難攻禕不聽引兵深入急攻拔之分兵據要害拓地千餘里上大悅更命曰振武軍集覽

欽定四庫全書

御批資治通鑑綱目

卷三

石堡城在吐蕃中鄯山其城

質實

一統志云信安本秦時會稽郡太末

縣地名東漢置新安縣晉改曰信安屬東陽郡隋初屬婺州唐初置衢州治此咸通中改為西安縣宋金元仍舊至本朝因之為衢州府治所仍屬馬河西郡名注見漢安帝元初元年隴右道名注見秦王政三年隴西要害注見

漢文帝十一年

書法

石堡唐故境也不書復書攻拔何譏事邊功也

限明經進士及第每歲毋過百人

國子祭酒楊瑒奏流外出身每歲二千餘人而明經進士不能居其什一則是服勤道業之士不如胥吏之得仕也臣恐儒風浸墜廉恥日喪若以出身人太多則應諸色裁損又奏主司帖試明經不求大指專

取難知問以孤經絕句或年月集覽流外杜佑通典
日請自今並帖平文上甚然之集覽曰隋置九品
各有從自四品以下每品分上下自太師始焉謂之
流內後又有視流內唐因隋制又置九品自諸衛錄
事及五省令史始焉謂之流外其流外兵部禮部舉
人郎官得自主之謂之小選明經所試一大經併考
經論語爾雅其他有差帖皆通而口問之一經問十
義得六者為通問通而後試策凡三條三試皆通者
為第進士所試一大經併爾雅帖皆通而後試文試
賦各一篇文賦通而後試策凡五條三試皆通者為
第道業道謂所蹈履業謂所肄習胥吏胥給徭役者
吏掌書者謂流外人通典曰凡府寺胥吏守局既久
積月累勞故得齒于下品諸色猶言雜科也如陰陽
莖卜圖畫功巧造食音聲天文之流帖試謂以所習
經掩其兩端中間惟開一行裁紙為帖凡帖三字隨
時增損可否不一或得四得五得六者為通孤經絕

句章句斷絕其疑似可以惑人故謂之孤絕也
帖平文試以平易之文也通俗文四題賦曰帖

書法

書限何識也于是諸色人仕無所
裁損獨限明經進士故書識之

發明

以天下之廣吏員之衆而明經進士歲止百
人則取士之塗隘可知矣楊瑒之言非不明
書于冊其失自見孰謂唐得人為盛哉

夏四月禘于太廟

唐初禘則序昭穆禘則各祀于其室至是太常少卿
韋縠等奏如此則禘與常饗不異請序昭穆從之

集覽

禘注見漢平帝元始五年禘注見
漢後主建興十五年縠他刀反
質實 昭穆注見漢光

武建武
十九年

五月復置按察使。杜暹李元紘源乾曜罷以宇文融
裴光庭同平章事蕭嵩兼中書令

張說張嘉貞李元紘杜暹相繼為相源乾曜以清謹
自守唯諾署名而已元紘暹議事異同更相奏列上
不悅貶暹荊州長史元紘曹州刺史乾曜罷為左
丞相以融光庭平章事嵩兼中書令遙領河西質

實荊州注見漢獻帝建安十三年南郡
曹州注見漢光武建武八年濟陰

秋八月以帝生日為千秋節

八月五日上以生日宴百官于花萼樓下丞相源乾
曜張說表請以是日為千秋節布于天下咸令宴樂
移社就之范氏曰太宗不以生日宴樂以為父母劬
勞之日也乾曜等以人主生日為節又移社以就之

夫節者陰陽氣至之候不可為也社者國之大祀不可移也明皇享國既久驕心浸生乾曜興說不能以義正君又為諸首以逢迎之而後

質實

花萼樓注見開元二年

書法

生日宴樂舊矣未以節名也源張導諛而侈費自此廣矣書曰以帝生日為千秋節各以

為者也○後世以人君始生之日為節而表賀之始此

發明

自唐玄宗以生日為千秋節其後遂踵為故事內自朝廷外及郡邑張樂設宴號為聖節

而不知貪官虐吏並緣為姦於是培歛民財強奪橫取蔬果魚肉之屬自市井以及村落均受其害宴席未設而吏卒之家醉醺飽鮮已厭飫斯民之膏血矣甚至拘平民子女以為妓否則漁取得利而後止名為臣子尊君而其實為漁利之階號為祝延聖壽而其實為歛怨之府號啼咨嗟赴愬無

所稚剝烹殺暴殄尤甚以是而欲增延禧筭吾誰
欺欺天乎然承襲已久雖仁人君子感額不忍亦
未敢發一言以及之者蓋其為名甚尊稍涉擬議
則人得以不敬君父之罪加之矣必有英明果決
之君卓然知其為民之害出于由表奮發剛斷罷
而去之法太宗劬勞之念不為宴樂雖聖節之名
不廢而漁蠹之患斯泯不奪于流俗之見不搖于
諛臣之請則其愛民及物之實德增並福祚豈不
既多矣乎不然拜表一通望闕稱賀亦足見臣子
尊君敬上之意豈必張大宴設而後為敬哉況是
禮不出于威帝明王而出于漸不克終之君自我
作古不為玄宗而為太宗豈不甚盛甚美綱目于
此特書以帝生日為千秋節蓋亦志作俑之
始也任是責者豈非張說源乾曜輩乎惜哉

工部尚書張嘉貞卒

嘉貞不營家產有勸其市田宅者曰吾貴為將相何憂寒餒此見朝士廣占良田身沒之日適足為無賴子弟酒色之資吾不取也

禁私賣銅鉛錫

敕以人間多盜鑄錢始禁私賣銅鉛錫及以銅為器皿其采銅鉛錫者官為市取


貶宇文融為汝州刺史

融性精敏應對辯給以治財賦得幸廣置諸使競為聚斂由是百官浸失其職而上心益侈百姓苦之在相位謂人曰使吾居此數月則海內無事矣信安王禕以軍功有寵融疾之使御史李寅彈之禕聞之先以白上明日寅奏果入上怒融坐貶既而國用不足上復思之會有飛狀告融贓賄隱沒沒官錢事坐流巖

州道卒然。是後言財利。集覽。廣置諸使。時置立。括田。以取貴仕者。皆祖之。等使二十九人。飛狀如語無姓名。告狀者。顏師質實。汝州注見。漢光武建武。古曰言不知所從來。草。二年。梁縣巖州未詳沿。

冬十月朔日食

不盡
如鈎



御批資治通鑑綱目卷四十三上